

卷十七

肺臟脉論

肺虛實

肺勞

氣極 積氣

肺痿

肺癰

飛口鬼症

卷十八

大腸腑脉論

大腸虛實

皮虛實

咳嗽

疾飲

九蟲

千金要方

孫真人備急千金要方卷十七

長洲張 孫路玉衍義

南沙唐 理臣鄧容校

肺臟方凡八類

肺臟脈論第一論一首

論曰肺主魄魄藏者任物之精也爲上將軍使在上行所以肺爲五臟之華蓋並精出入謂之魄魄者肺之臟也鼻者肺之官肺氣通於鼻鼻和則能知香臭矣循環紫宮上出於頰候於鼻下迴肺中榮華於髮外主氣內主胸與乳相當左乳庚右乳辛肺重三斤三兩大葉兩耳凡八葉有十四童子七女子守之神名鴻鴻主藏魄號爲魄藏隨節應會故云肺藏氣氣會魄在氣爲欬在液爲涕肺氣虛則鼻息利少氣實則喘喝胸憑仰息肺氣虛則夢見白物見人斬血藉藉得其時則夢見兵戰肺氣盛則夢恐懼哭泣厥氣客於肺則夢飛揚見金鐵之器及奇物 凡肺藏象金與大腸合爲腑其經手太陰與陽明爲表裏其脈浮相於季夏王於秋秋時萬物之所終宿葉落柯萋萋枝條兀然獨在其脈爲微浮衛氣遲榮氣數數則在上遲則在下故名曰毛陽當陷而不陷陰當昇而不昇爲邪所中二氣感激故爲風寒所中陽中邪則捲陰中邪則緊捲則惡寒緊則爲慄寒慄相搏故名曰瘧弱則發熱浮乃來出旦中旦發暮中暮發藏有遠近脈有遲疾周有度數行有漏刻遲在上傷毛采數在下傷下焦中焦有惡則見有善則匿陽氣下陷陰氣則溫陽反在下陰反在顛故名曰長而且留秋脈如浮秋脈

肺也西方金也萬物之所以收成也故其氣來輕虛而浮來急去散故曰浮反此者病何如而反其氣來毛而中央堅兩傍虛此謂太過病在外其氣來毛而微此謂不及病在中太過則令人氣逆而背痛温温然不及則令人喘呼吸少氣而欬上氣見血下聞病音 肺脈來厭厭聶聶如落榆莢曰肺平秋以胃氣爲本肺脈來不

上不下如循雞羽曰肺病巢源無不字 肺脈來如物之浮如風吹毛曰肺死 眞肺脈至大而虛如以毛羽中人

膚色白赤不澤毛折乃死 秋胃微毛曰平毛多胃少曰肺病但毛無胃曰死毛而有弦曰春病弦甚曰今病

肺藏氣氣舍魄喜樂無極則傷魄魄傷則狂狂者意不存人皮革焦毛悴色夭死於夏 手太陰氣絕則皮

毛焦太陰者行氣温皮毛者也氣弗營則皮毛焦皮毛焦則津液去津液去則皮節傷皮節傷則爪一作枯毛

折毛折則氣先死丙篤丁死火勝金也 肺死藏浮之虛按之弱如葱葉下無根者死秋金肺王其脈微温而

短曰平反得大而緩者是脾之乘肺母之歸子爲虛邪雖病易治反得沉濡而滑者是腎之乘肺子之乘母爲

實邪雖病自愈反得浮大而洪者是心之乘肺火之剋金爲賊邪大逆十死不治反得弦細而長者是肝之乘

肺木之陵金爲微邪雖病卽瘥肝乘肺必作虛 右手關前寸口陰絕者無肺脈也苦短氣欬逆喉中塞噫逆

刺手陽明治陽 右手關前寸口陰實者肺實也苦少氣胸中滿膨膨與肩相引刺手太陰治陰 肺脈來泛

泛輕如微風吹鳥背上毛再至曰平三至曰離經病四至脫精五至死六至命盡手太陰脈也 肺脈急甚爲

癩疾微急爲肺寒熱怠惰欬唾血引腰背胸苦鼻息肉不通緩甚爲多汗微緩爲痿漏風一作偏風頭已下汗出不

可止大甚為脛腫微大為肺癆引胸背起腰內小甚為殮泄微小為消痺滑甚為息賁上氣微滑為上下出血瀉甚為嘔血微瀉為鼠瘻在頸肢掖之間下不勝其上其能喜酸 肺脈搏堅而長當病唾血其濡而散者當

病漏一作灌汗至今不復發散 白脈之至也喘而浮上虛下實驚有積氣在胸中喘而虛名曰肺癆寒熱得之

醉而使內也 黃帝問曰經脈十二而手太陰之脈獨動不休何也手太陰本在寸口中岐伯對曰足陽明胃

脈也腎者五臟六腑之海胃脈在足跌上大趾間上行三寸骨解中是也其精氣上清注於肺肺氣從太陰而行之其行之也以息往

來故人一呼脈再動一吸脈亦再動呼吸不已脈動不止黃帝問曰氣口何以獨為五臟主岐伯對曰胃者水

穀之海六腑胃居其大五味入於口藏於胃以養五臟氣氣口者太陰是也臟腑之氣味皆出於胃變見於氣

口氣口屬腑臟主即呼寸口者也 扁鵲曰肺有病則鼻口張實熱則喘逆胸憑仰息其陽氣壯則夢恐懼等

虛寒則欬息下利少氣其陰氣壯則夢涉水等 肺在聲為哭在變動為欬在志為憂憂傷肺精氣并於肺則

悲也 味主秋結滿而血者病在胸及以飲食不節得病者取之合故命曰味主合 病先發於肺喘欬三日

之肝脇痛支滿一日之脾閉塞不通身痛體重五日之胃腹脹十日不已死冬日入夏日出 病在肺下晡慧

日中其夜半靜 假令肺病南行若食馬肉及麀肉得之不者當以夏時發得病以丙丁日也宜赤藥 凡肺

病之狀必喘欬逆氣肩息背痛汗出尻陰股膝臑膈臑足皆痛虛則少氣不能報息耳聾隘乾取其經手太

陰足太陽之外厥陰內少陰血者 肺脈沉之而數浮之而喘苦洗洗寒熱腹滿腸中熱小便赤肩背痛從腰

子金要方 卷十七 附張路玉先生衍義 二

以上汗出得之房內汗出當風 肺病其色白身體但寒無熱時時欬其脈微遲爲可治宜服五味子大補肺湯瀉肺散春當刺少商夏刺魚際皆瀉之季夏刺大淵秋刺經渠冬刺尺澤皆補之又當灸臍中百壯第三椎二十五壯 邪在肺則皮膚痛發寒熱上氣氣喘汗出欬動肩背取之膺中外腧背第三椎之傍以手重按之快然乃刺之取之缺盆中以越之 形寒寒飲則傷肺以其兩寒相感中外皆傷故氣逆而上行肺氣傷其人勞倦則欬唾血其脈細緊浮數皆吐血此爲躁擾嗔怒欬逆肺傷氣擁所致也 肺中風者口燥而喘身運而重胃而腫脹 肺中寒者其人吐濁涕 肺中水者其人身體腫而小便難時時大便如鴨溇 肺脹者虛而滿喘欬目如脫狀其脈浮大 太陽脈浮緩少陽脈微緊微爲血虛緊爲微寒此爲鼠乳 診得肺積脈浮而毛按之辟易脇下時時痛逆背相引痛少氣善忘目瞑結癰皮膚寒秋愈夏劇主皮中時痛如蟲緣之狀甚者如鍼刺之狀時癢色白也 肺之積名曰息賁在右脇下覆大如杯久久不愈病灑灑寒熱氣逆喘欬發肺癰以春甲乙日得之何也心病傳肺肺當傳肝肝適以春王者不受邪肺復欲還心心不肯受因留結爲積故知息賁以春得之 肺病身當有熱欬嗽短氣唾出膿血其脈當短濇今反浮大其色當白而反赤者此是火之尅金爲大逆十死不治 商音人者主肺聲也肺聲哭其音磬其志樂其經手太陰厥逆陽明則榮衛不通陰陽反祚陽氣內擊陰氣外傷傷則寒寒則虛虛則厲風所中噓吸戰掉語聲嘶塞而散下氣息短憊四肢辟弱面色少華遺失便利甚則不可治依源麻黃續命湯主之

方見第八卷  
賊風篇中

又言音喘急短氣好唾此爲火尅

金陽擊陰陰氣沉陽氣昇昇則實實則熱熱則狂狂則閉眼悻言非常所說口赤而張飲無時度此熱傷肺肺化爲血不治若面赤而鼻不欬可治也 肺病爲瘧者令人心寒寒甚則熱熱間善驚如有所見者恆山湯主

方見第十卷  
溫瘧篇中

若其人本來語聲雄烈忽爾不亮御氣用力方得出言而反於常人呼共語直視不應雖曰未

病勢當不久此則肺病聲之候也察觀疾病表裏相應依源審治乃不失也 白爲肺肺合皮白如豕膏者吉

肺主鼻鼻是肺之餘其人金形相比於上商白色小頭方面小肩背小腹小手足發動身輕精瘦急心靜悍性喜爲吏治秋冬不耐春夏春夏感而生病主手太陰廉廉然肩膈厚薄正竦則肺應之正白色小理者則肺小  
小則少飲不病喘喝粗理者則肺大大則虛虛則寒喘鳴多飲善病胸喉痹逆氣巨肩反膈陷喉者則肺高  
則實實則熱上氣肩急欬逆合腋張脇者則肺下下則逼賁迫肝善脇下痛鼻塞或壅而涕生息肉好肩背厚  
者則肺堅堅則不病欬上氣肩背薄者則肺脆脆則易傷於熱喘息鼻衄肩膈好者則肺端正端正則和利難  
傷膈偏欬者則肺偏傾偏傾則病胸偏痛鼻亦偏疾凡人分部陷起者必有病生大腸陽明爲肺之部而藏氣  
通於內外部亦隨而應之沉濁爲內浮清爲外若外病內入則所部起內病裏出則所部陷外入前治陽後治  
陰內出前治陰後治陽實瀉虛補陽主外陰主內凡人死生休否則藏神前變形於外人肺前病鼻則爲之孔  
開焦枯若肺前死鼻則爲之梁折孔閉青黑色若天中等分墓色應之必死不治看色深淺斟酌賒促遠不出  
一年促不延時月肺疾少愈而卒死何以知之曰赤黑如拇指麤點見頰頰上此必卒死肺絕三日死何以知

之口張但氣出而不還面白目青是謂亂經飲酒當風入肺經膽氣妄泄目則爲青雖有天救不可復生面黃目白如枯骨死吉凶之色在於分部順順而見赤白入鼻必病不出其年若年上不應三年之中禍必應也

秋金肺脈色白主手太陰脈也秋取經膈秋者金始治肺將收殺金將勝火陽氣在合陰氣初勝濕氣及體陰氣未盛未能深入故取膈以瀉陰邪取合以虛陽邪陽氣始衰故取於合其脈本在寸口之中掌後兩筋間二寸中應在腋下動脈其脈根於太倉太倉在臍上三寸一分是也 其筋起於手大指之上循指上行結於魚

後行寸口外側上循臂結肘中上膈內廉入腋下上出缺盆結肩髃前上結缺盆下結胸裏散貫責下抵季脇

其脈起於中焦下絡大腸還循胃口上膈屬肺從肺系橫出腋下下循膈內行少陰心主之前下肘中後循

臂內上骨下廉入寸口上魚循魚際出大指之端其支者從腕後直次指內廉出其端合手陽明爲表裏陽明

之本在肘骨中同會於手太陰太陰之別名列缺起於腋下分間並太陰之經直入掌中散入於魚際別走手

陽明主肺生病病實則大腸熱熱則手兌掌起起則陽病陽脈反逆大於寸口三倍病則欬上氣喘渴煩心胸

滿膈臂內前廉痛掌中熱氣盛有餘則肩背痛風汗出中風虛則大腸寒寒則欠欬小便遺數數則陰病陰脈

反小於寸口一倍病則肩背寒痛少氣不足以息季脇空痛尿色變卒遺失無度 秋三月者主肺大腸白氣

狸病也其源從太陽擊手太陰太陰受淫邪之氣則經絡壅滯毛皮緊豎發泄邪生則臟腑傷溫隨秋受癘其

病相反若腑虛則爲陰邪所傷乍寒乍熱損肺傷氣暴嘔逆若臟實則爲陽毒所損體熱生斑氣喘引飲故

曰白氣狸病也 扁鵲曰灸心肝二膈主治丹毒白狸病當依源為療調其陽理其陰則臟腑之病不生矣

肺虛寶第二 脈四首 方二十首 灸法三首

肺實熱 右手寸口氣口以前脈陰實者手太陰經也病苦肺脹汗出若露上氣喘咽中塞如欲嘔狀名曰肺實熱也

治肺實熱胸憑仰息泄氣除熱方 石膏八兩白前 杏仁各三兩白朮 橘皮各五兩枸杞根皮各二升赤蜜七合

右七味咬咀以水七升煮取二升去滓下蜜煮三沸分三服

〔衍義〕肺為天一生水之上源脾為厚土生金之肺母今因肺過熱燥不能施白露下降之令故用石膏白前赤蜜滋降秋燥杏仁橘皮枸杞根皮泄其逆滿尤妙在白朮一味培土安金填塞壯火遊行之路庶幾金不受燥水能承制而無陰火土協心包逆乘母氣之虞設不預為籌度專力耗氣泄火未免熱去寒起則與

時師奚擇哉

治肺熱悶不止胸中喘急驚悸客熱來去欲死不堪服藥泄胸中喘氣方 桃皮 芫花各一升 右二味咬咀

以水四斗煮取一斗五升去滓以故布手巾內汁中薄胸溫四肢不盈數日即歇

〔衍義〕肺合皮毛肺氣內壅已極不堪更以湯藥助滿故用破血導水之味漬布搭胸使藥氣內通濁氣外

泄乃奇兵解圍之策從十三篇中悟出



橘皮湯 治肺熱氣上欬息奔喘方 橘皮 麻黃 柴胡 紫蘇刪繁作乾 藍各三兩杏仁 宿薑各四兩石膏八兩

右七味咬咀以水九升煮麻黃兩沸去沫下藥煮取三升去滓分三服不瘥與兩劑

〔衍義〕肺滿上氣喘欬本當用麻黃越婢麻杏甘石等方慮其甘草大棗助滿故易橘皮紫蘇以散上奔之氣膽欲大而心欲小之作用略見一斑

治肺熱喘息鼻衄血方 羚羊角 元參 射干 雞蘇 芍藥 升麻 柏皮各三兩生地切一升梔子仁四兩

淡竹茹雞子大一枚 右十味咬咀以水九升煮取三升分三服須利者下芒硝三兩更煮三沸

〔衍義〕肺熱喘衄良由龍雷煽虐反侮肺金之象故用羚羊入肝散血射干入肺散氣梔子柏皮分解於內升麻雞蘇開提於上芍藥地黃順血下注元參竹茹抑火前通若勢劇須利者下芒硝以急奪之自然龍火潛蹤金不受侮烏有喘衄之患乎

治肺熱飲酒當風風入肺臆氣妄泄目青氣喘者方 麻黃四兩 甘草 五味子各三兩杏仁五十粒母薑五兩 淡

竹葉切一升 右六味咬咀以水七升先煮麻黃去沫下諸藥者取三升去滓分三服

〔衍義〕前方以梔子柏皮佐羚羊散上溢之血升麻雞蘇佐射干散上盛之氣此方以竹茹杏仁佐脈開發肺氣五味甘草佐母薑收攝臆泄臆竅則目青自除風息則氣喘自已二方所宗總不出梔子柏皮湯麻黃連翹赤小豆湯射干麻黃湯等方之變法

瀉肺散 治酒客勞倦或出當風喜怒氣會於肺而目黃腫起卽頭眩欬逆上氣時忽欲絕心下眩急不能

飲食或吐膿血胸痛引背支滿欲嘔方 五味子 百部各二兩半 茯苓 附子 肉從蓉 石斛 當歸

遠志 川續斷各一兩 細辛 甘草各七分 防風 川椒 紫苑 桂心 乾薑 欬冬各一兩半 杏仁六十枚 杏仁三十枚

右十九味治下篩酒服方寸七日三後稍加至二七

〔衍義〕瀉肺而用紫苑欬冬茯苓專為酒客湊肺而設防風細辛杏仁專為風客於肺而設五味百部石斛

專為木盛生風而設當歸續斷桃仁專為勞倦傷血胸痛引背而設甘草乾薑川椒專為飲食欲吐面目黃

腫而設桂附遠志菴蓉專為起卽頭眩忽忽欲絕上盛下虛而設苟非固脾胃之根本安能任肺氣之疎泄

歟

灸法

肺脹氣搶脇下熱痛灸陰都隨年壯穴在俠胃腕兩邊相去一寸胃腕在心下三寸 肺脹脇滿嘔吐上氣等

病灸大椎并兩乳上第三肋間各七壯 肺與大腸俱實 右手寸口氣口以前脈陰陽俱實者手太陰與陽

明經俱實也病苦頭痛目眩驚狂喉痹痛手臂捲脣吻不收名曰肺與大腸俱實也

煮散 治肺與大腸俱實令人氣澹方 麻黃 茯苓各六分 黃芪 大青 桂心各三分 細辛 杏仁各五分 石膏

二兩丹參半兩五味子 甘草 橘皮 貝母 川芎各一兩 枳實二枚 右十五味治下篩為粗散帛裏一

方寸七半以井花水一升五合煮取七合爲三服日再

〔衍義〕邪之所湊其氣必虛故治肺與大腸俱受客邪而實用麻黃湯及麻杏甘石湯之製以解風從火化之熱必兼五味以收肺氣之逆黃芪以斂麻黃之散其餘等味皆疎泄痰氣之亞耳

肺虛冷 右手寸口氣口以前脈陰虛者手太陰經也病苦少氣不足以息噓乾不津液名曰肺虛冷也

治肺虛冷聲嘶傷語言用力戰掉緩弱虛脊風入肺方 防風 獨活 川芎 秦椒 乾薑 黃芪各二十天四銖

雄 麻黃 山萸肉 五味子各三十天八銖 甘草三十天六銖 秦朮 桂心 山藥 杜仲 人參 細辛 防己各二十天四銖

菊花 紫菀各二十天四銖 貫衆 二枚 附子七分 右二十二味治下篩以酒服方寸七日二服 一方有石膏六

分當歸五分

〔衍義〕風入肺絡而致聲嘶語難用力戰掉故用麻黃附子細辛開發肺寒防己貫衆通行經脈參芪甘草保護肺氣雄桂椒薑協濟附子之雄防獨芎秦助力麻辛之散萸味薯杜匡扶參芪之補甘菊紫菀專化雄附之烈其方似乎麗雜而實井井有條各具相制之妙非洗心求之不能得其奧義

酥蜜膏酒 治肺氣虛寒癘風所傷語聲嘶塞氣息喘億欬唾上氣通聲方 酥 崖蜜 飴糖 生薑汁

生百部汁 棗肉 杏仁各一升研末 柑皮五具 右八味合和微火煎常攪三上三下約一炊久取薑汁等各減

半止溫酒一升服方寸七細細咽之日二夜一〇又方 猪脰三具 大棗百枚 右二味以酒五升漬之枳

冬七日春夏五日出布絞去滓七日服盡二七日忌鹽羊脰亦得治欬嗽胸脇支滿多喘上氣尤良治后方

上氣二十年  
諸治不痊者

治肺寒損傷氣嗽及涕唾鼻塞方 棗肉二斤研 杏仁二升熬 酥研為脂 生薑汁 白糖 白蜜 生百部汁各一升

右七味合和微火煎常攪約一炊久下之細細溫清酒服二合日二

〔衍義〕肺竅為風寒所襲而致喘欬上氣語聲嘶塞故用薑汁杏仁柑皮百部溫散肺絡之結膠飴棗肉乳

酥崖蜜通行脾肺之津津回燥潤津自復矣厥後大腸腑門通聲膏從此化出 又方專取猪脰滌除痰垢

大棗通行津液漬酒治證如前或易羊脰入肺尤捷 又方即酥蜜膏酒倍用棗肉杏仁之通津而去柑皮

之耗氣

補肺湯 治肺氣不足逆滿上氣咽中悶塞短氣寒從背起口中如含霜雪言語失聲甚者吐血方 五味子

三兩乾薑 桂心 欬冬花各二兩 麥冬 一升桑根白皮 一斤大棗 一百枚 粳米 二合 右八味咬咀以水一斗

先煮桑白皮五沸下藥煮取三升分三服○又方 治肺胃虛寒喘乏少食不能飲食 黃芪五兩甘草

鍾乳 人參各二兩 地黃 桂心 茯苓 白石英 桑白皮 厚朴 乾薑 紫苑 橘皮 當歸 五味

子 遠志 麥冬各三兩 大棗 二十枚 右十八味咬咀以水一斗四升煮取四升分三服日三夜二○又方

治肺氣不足欬逆上氣牽繩而坐吐沫唾血不能飲食方 蘇子 一升桑白皮 五兩半夏 六兩紫苑 人參

甘草 五味子 杏仁各二兩 欵冬花 射干各二兩 麻黃 乾薑 桂心各三兩 細辛一兩 右十四味咬咀

以水一斗二升煮取三升半分五服日三夜二〇又方 治肺氣不足欵逆短氣寒從背起口中如含霜露

語無聲音而渴舌本乾燥方 五味子 蘇子各一升 白石英 鍾乳各三兩 欵冬花 竹葉 橘皮 桂心 桑

白皮 茯苓 紫苑各一兩 麥冬 四兩 生薑 五兩 杏仁五十枚 粳米 二合 大棗 十枚 右十六味咬咀以水一斗

三升先煮桑白皮粳米大棗以米熟去滓內諸藥煮取五升分六服日三〇又方 治肺氣不足心腹支滿

欵嗽喘逆上氣唾膿血胸痛手足煩熱惕然自驚皮毛起或哭或歌或怒乾嘔心煩耳中聞風雨聲面色

白方 欵冬花 桂心各二兩 桑白皮 一斤 生薑 五味子 鍾乳各三兩 麥冬 四兩 粳米 五合 大棗 十枚 右

九味咬咀以水一斗二升先煮粳米棗令熟去滓內藥煎取二升分三服温服之 一方用白石英二兩廣濟

有紫苑人參各二兩名紫苑湯

〔衍義〕補肺湯五方首言寒從背起背者胸之腑肺之舍故用乾薑桂心温胸中之寒欵麥二冬滋胸中之

燥五味桑皮理胸中之邪大棗粳米培胸中之氣温補肺臟本寒而兼清解標熱也 其第二方兼温補肺

胃虛寒故用鍾乳石英薑桂之屬力助參芪之補氣歸地之滋血且中藏生脈以化石藥之悍厚朴橘皮紫

苑桑皮開泄胸中之滯 其第三方雖證見欵吐涎沫因有胸中引急知爲正虛邪實故於射干麻黃湯中

除去大棗之戀膈參入麻黃湯中桂封一味更加人參易乾薑助胃祛邪蘇子桑皮止逆安神乃寓補於瀉

之奧旨非精熟金匱之法者難以語此 其第四方方下主治較之首方惟吐血舌乾稍為不同然方中紫苑欬麥二冬未嘗不治吐血但易生薑加竹茹專為舌乾起見必其人形神羸瘠以故參之第二方中石莖鍾乳兼溫肺胃二經也 其第五方良由金衰不能制木木邪橫干諸藏方下所云心腹支滿濁陰逆上也欬逆上氣唾膿血胸中痛火逆上乘肺位也手足煩熱四肢為諸陽之本也惕然自驚邪干心包也皮毛起或哭邪干肺也或歌邪干脾也或怒木邪自暴也乾嘔邪干胃也煩心邪干膻中也耳聞風雨聲陰邪上走腎竅也難證見諸經受邪總以收攝虛陽兼清旺氣為主方中鍾乳桂心五味非收攝虛陽之用乎欬麥二冬桑皮薑棗粳米非兼清旺氣之用乎合五方論之可見補正必需辛溫散標不離清潤

麻子湯

治肺氣不足欬唾膿血氣短不得臥方

麻子一升桑皮

錫各一斤桂枝

人參各二兩

阿膠紫苑

各一兩

生薑三兩乾地黃四兩

右九味咀以水一斗五升合煮取四升分五服

〔衍義〕

此炙甘草湯之變方因欬唾血膿肺中津傷故用人參阿膠地黃麻仁以滋津血之燥生薑桂枝以

散肺氣之結紫苑卽甘草之變味桑皮卽麥冬之變味錫糖則大棗之變味耳

傷煎

治肺氣不足咽喉苦乾方

作傷任多少取乾棗一升去核熟搗水五升和使相得絞去滓澄去上清

取濁者內飴中攪火上煎勿令堅令連連服如雞子大漸漸服之日三夜一

〔衍義〕

肺胃一氣貫通肺氣不足實由胃中津枯不能上滋於肺所以咽喉苦乾但取建中湯中之二以資

胃氣而助蒸化之力也

治肺風氣萎絕四肢滿脹喘逆胸滿方 灸肺腧各二壯肺腧對乳引繩度之在第三椎下兩傍相去各一寸

五分

肺與大腸俱虛 右手寸口氣口以前脈陰陽俱虛者手太陰與陽明經俱虛也病苦耳鳴嘈嘈時妄見光明情中不樂或如恐怖名曰肺與大腸俱虛也

小建中湯 治肺與大腸俱不足虛寒乏氣小腹拘急腰痛羸瘠百病方 大棗十二枚 生薑各三兩 桂心各三兩 甘草

二兩芍藥六兩 右五味咬咀以水八升煮取三升去滓合飴糖八兩煮三沸分三服肘後用黃芪人參各二兩名黃芪建中湯

〔衍義〕桂本血藥而辛溫散邪恐其動血故以芍藥護持榮氣不使隨桂外泄得甘草之甘溫而和寒熱諸邪薑棗之辛甘而和榮衛諸氣為風傷衛之首方參入膠飴一味取稼穡之甘便為建中專藥所以寒傷榮之天中脈微虛寒之裏氣不足咸賴乎此允為虛羸和解中外之聖法

肺勞第三 論一首 方三首 灸法一首

論曰凡肺勞病者補腎氣以益之腎王則感於肺矣人逆秋氣則手太陰不收肺氣焦滿順之則生逆之則死順之則治逆之則亂反順為逆是為關格病則生矣

麻黃引氣湯 治肺勞實氣喘鼻張面目苦腫方 麻黃 杏仁 生薑 半夏各五分 紫蘇四分 白前 細辛

桂心各三分 橘皮二分 石膏八兩 竹葉切一升 右十一味 㕮咀以水一斗 煮取三升 去滓分三服

〔衍義〕勞役而邪并於肺 故用金匱厚朴麻黃湯中麻黃石膏杏仁細辛以泄肺滿 澤漆湯中半夏生薑白前桂心以滌痰垢 參入紫蘇橘皮竹葉以助麻黃半夏石膏之力 引清氣上升濁氣下降 喘息面腫隨手可瘥矣

半夏湯 治肺勞虛寒 心腹冷氣 逆氣胸脇氣滿 從胸達背 痛飲食即吐 虛乏不足方 半夏一升 生薑一斤

桂心四兩 甘草 厚朴各二兩 人參 橘皮 麥冬各三兩 右八味 㕮咀以水一斗 煮取四升 分四服 腹痛加

當歸二兩

〔衍義〕勞乏而胸中陽氣不布 濁陰上攻 逆滿原非本虛之謂 故用參桂薑半溫中 麥冬甘草滋肺 即兼厚朴橘皮開泄滯氣 胸中陽氣得人參薑桂守護之力 則濁陰不復上僭矣

厚朴湯 治肺勞風虛冷痰澀水氣晝夜不得臥 頭不得近枕 上氣胸滿 喘息氣絕 此痰水盛溢方 厚朴

麻黃 桂心 黃芩 石膏 大戟 橘皮各二兩 枳實 甘草 秦艽 杏仁 茯苓各三兩 細辛二兩 半夏

一升 生薑十兩 大棗十五枚 右十六味 㕮咀以水一斗 三升 煮取四升 去滓分五服

〔衍義〕痰澀水氣積於胸中 不能眠臥 故彙採金匱射干麻黃湯厚朴麻黃湯澤漆湯中泄肺諸味 參入大戟與射干澤漆味 雖變而功用不殊 其餘枳橘茯苓秦艽不過為麻朴薑半之佐 輔苟不知金匱之淵源 無



以推千金之發派

治喉痹氣逆欬嗽口中唾涎方 灸肺膈七壯亦可隨年至百壯

氣極第四 論一首 方六首 灸法二首

論曰凡氣極者主肺也肺應氣氣與肺合又曰以秋遇病為皮痹皮痹不已復感於邪內舍於肺則寒溫之氣客於六腑也若肺有病則先發氣氣上衝胸常欲自恚以秋庚辛日傷風邪之氣為肺風肺風之狀多汗若陰傷則寒寒則虛虛則氣逆欬欬則短氣暮則甚陰氣至濕氣生故甚陰畏陽氣晝日則瘥若陽傷則熱熱則實實則氣喘息上胸臆甚則唾血然陽病治陰陰是其裏陰病治陽陽是其表是以陰陽表裏衰王之源故知以陽調陰以陰調陽陽氣實則決陰氣虛則引善治病者初入皮毛肌膚筋脉則治之若至六腑五臟半死矣扁鵲曰氣絕不治喘一作奔而冷汗出二日死氣應手太陰太陰氣絕則皮毛焦氣先死矣

鍾乳散 治氣極虛寒陰畏陽氣晝瘥暮甚氣短息寒亦治百病令人力強能飲食去風冷方 鍾乳別研乾

薑 桔梗 茯苓 細辛 桂心 附子 人參 各一兩 六銖 白朮 一兩 防風 栝蘘根 牡蠣 各一兩 半 右十二

味治下篩酒服方寸七日三漸加至二七五十以上可數服得力乃止 翼方云有冷加椒 有熱加苓各三兩

〔衍義〕氣極虛寒而用鍾附薑桂細辛參苓白朮世所共能反用桔防之耗氣栝蘘之化熱牡蠣之斂陰人所共昧曷知耗氣專為救本化熱專為散標斂陰專為復陽能達此義則鍾乳白朮之反激亦可從此聆悟

矣腎臟門中寒食鍾乳散卽此

黃芪湯 治氣極虛寒皮毛焦津液不通虛勞百病虛損力乏方 黃芪四兩人參 白朮 桂心各二兩 生薑

八兩大棗十枚 附子三十銖一方不用 右七味咬咀以水八升煮取二升去滓分四服

〔衍義〕前方兼治標熱故須耗氣斂陰此方專力救本所以純用溫補但加薑棗以和榮衛通津液也

大露宿丸 治氣極寒癆不已內舍於肺寒氣入客於六腑腹脹喘滿寒冷積聚百病方 礬石肘後作礬石 乾薑

桂心 皂莢 桔梗 附子各三兩 右六味為末蜜丸如梧子大酒服十丸日三漸加之慎熱炙火等

〔衍義〕衍義見前第十六卷痼冷積熱門

硫黃丸 治氣極虛寒澀飲胸中痰滿心腹痛氣急不下飲食方 硫黃 礬石 乾薑 附子 烏頭 桂

心 細辛 白朮 桔梗 茯苓各二兩 右十味為末蜜丸如梧子酒服十丸日三漸加之以知為度肘後無白

朮桔梗茯苓用吳茱萸川椒人參皂莢當歸十二味為丸用治人大冷夏月溫飲食不解衣者

〔衍義〕硫黃專化陰毒礬石專攻堅癖餘皆辛熱破積峻味惟桔梗茯苓為化熱毒之用

大前胡湯 治氣極傷熱喘息衝胸常欲自恚心腹滿痛內外有熱煩嘔不安方 前胡八兩 半夏 麻黃

芍藥各四兩 生薑五兩 黃芩三兩 枳實四枚十二枚 右八味咬咀以水九升煮取三升去滓分三服

〔衍義〕氣極傷熱而用前胡麻黃開發於外半夏枳實消豁於內芍藥黃芩清解於中生薑大棗兼和中外

也

竹葉湯 治氣極傷熱氣喘甚則唾血短之不欲食口燥咽乾方 竹葉二升麥冬 小麥 生地各一升 生薑

石膏各六兩 麻黃三兩甘草一兩大棗十枚 右九味咬咀以水一斗煮取三升去滓分三服

〔衍義〕氣極傷肺而至喘乏唾血用越婢全方以治旺氣惟恐津血愈傷故加竹葉以清喘之冬地以滋津

血小麥以除臟燥然小麥入於越婢方中則與厚朴麻黃湯中匡佐麻黃石膏發越內動肝風無異

灸法

嘔吐上氣灸尺澤不三壯則七壯尺澤在腕後肘中橫文 腹中雷鳴相逐食不化逆氣灸上腕下一寸名太

倉七壯

積氣第五 論二首 方五十一首 灸法二十四首

論曰七氣者寒氣熱氣怒氣恚氣喜氣憂氣愁氣凡七種氣積聚堅大如杯若積在心下腹中疾痛不能飲食時來時去每發欲死如有禍祟此皆七氣所生寒氣即嘔逆惡心熱氣即說物不竟而迫怒氣即上氣不可忍熱痛上搶心短氣欲死不得息恚氣即積聚在心下不得飲食喜氣即不可疾行不能久立憂氣即不可劇作暮臥不安愁氣即善忘不識人語置物四方還取不得去處若聞急即四肢附腫手足拘攣捉不能舉如待病此是七氣所生男子卒得飲食不時所致婦人即產後中風諸疾也

七氣丸 烏頭 大黃各七分 紫苑 半夏 前胡 細辛 丹參 茯苓 川芎 桃仁胡洽作杏仁 菖蒲一作芍藥石

膏 吳茱萸 桂心 桔梗各三分 人參 甘草 防葵各一兩 乾薑 川椒各半兩 右二十味為末蜜丸如梧

子大酒服三丸日三加至十丸 一方去半夏加甘遂三分胡洽無丹參甘草

七氣丸 主七氣七氣者寒氣熱氣怒氣恚氣喜氣憂氣愁氣此之為病皆生積聚堅牢如杯心腹絞痛不能

飲食時去時來發則欲死凡寒氣狀吐逆心滿熱氣狀恍惚眩冒失精怒氣狀不可當熱痛上澀心短氣欲

絕不得息恚氣狀積聚心滿不得食飲喜氣狀不可疾行久立憂氣狀不可苦作臥不安席愁氣狀平故如

怒喜忘四肢附腫不得舉止亦治產後中風餘疾方 大黃一兩 人參 半夏 吳茱萸 柴胡 乾薑 細

辛 桔梗 菖蒲各二分 茯苓 川芎 甘草 川椒一用桂心 石膏 桃仁各三分 右十五味為末蜜丸如梧子

大每服酒下三丸日三服漸加至十丸翼方無茯苓川芎甘草石膏桃仁

〔衍義〕七氣丸首方雖用參桂薑半甘草之屬以治憂愁喜耗諸氣猶恐辛溫之力不逮不能治寒熱恚怒

諸氣所以更加烏莢椒辛助大黃防葵以破結桃芎丹苑以和血前結菖苓以散氣石膏一味專泄旺氣耳

其第二方較前用法稍緩不用烏頭防葵之峻力破結裁去紫苑丹參之紆緩紛龐又以柴胡之升散易前

胡之降泄設見筋攣不舉而無大吐嘔逆不妨以桂心之溫血易川椒之下氣未為不可

七氣湯 治寒氣熱氣憂氣愁氣或飲食為膈氣或勞氣內傷五臟不調氣衰少力方 乾薑 黃芩

厚朴深師作桂心 半夏 甘草 地黃 芍藥 桔蘘根深師作橘皮 川椒各二兩深師作桔梗 枳實 五枚 人參 一兩 吳萸 五合

右十二味咬咀以水一斗煮取三升分三服日三 又方 治虛冷上氣勞氣等方 半夏 一升 人參 生

薑 桂心 甘草各一兩 右五味咬咀以水一斗煮取三升分三服日二

〔衍義〕湯丸主治有暴久微甚之分久而劇者非丸無以克應暴而虛者湯液便可宣通七氣湯首方用椒

薑萸半散結人參甘草助氣則與丸方無異若其人素稟血熱則兼芍地以化薑椒之燥苓蘘以清肺胃之

熱枳朴以滌內積之氣也 其第二方不用椒萸而用桂心不用乾薑而用生薑以助半夏人參甘草之力

以無標熱濁積故不用餘藥所以和劑局方取此以為七氣之法

五膈丸 治憂膈食膈飲膈氣膈勞膈五病同藥服以憂患思慮飲食得之若冷食及生菜便發其病苦心滿

不得氣息引背痛如刺之狀食則心下堅大如粉絮大痛欲吐即瘥飲食不得下甚者及手足冷上氣欬

逆喘息短氣方 麥冬 甘草各五兩 人參 四兩 川椒 遠志 桂心 細辛各三兩 附子一兩半 乾薑 一兩 右

丸味為末蜜丸微使淖先食含如彈丸一枚細細咽之喉中胸中當熱藥力稍盡復含一丸日三夜二服藥

十日自愈 延年方若不能含者可分一大丸作十小丸盡服之夏月宜增麥冬甘草人參胡洽云亦可作梧子大小丸酒服之經心錄以吳萸代桂心酒下如梧子五丸空腹服之如寒冷則心痛咽中

有物吐之不出咽之不下食飲少者

〔衍義〕噎之與膈本同一氣膈病之始靡不由噎而成原其大槩不外乎鬱故張雞峯以為神思間病其受

病之源非止一端嘗攷五噎之中獨多思噎五膈之中獨多飲膈每見多思慮人每患氣噎經謂思則氣結是也好熱飲人每患酒膈丹溪謂之死血是也然血膈亦非止一端往往有勇力過甚血苑於胃阻礙飲食成膈者卽如靈樞蟲爲下膈亦不過言下膈有此一證若夫命門火衰不能溫養土藏食碎時乃出者得非下膈之證乎而素問又有三陽結謂之膈言小腸大腸膀胱之津血俱結如廁澀難下不通而上逆勢所必然所以五膈丸中不用莫朮蒼橘之燥而用麥冬上滋肺氣甘草中安胃氣遠志下通腎氣上下交通何有阻膈之患乎其方雖列肺臟而飲食不下膈塞不通邪在胃腕其間所用椒辛薑桂附子人參等味却與五噎丸中不異也

治結氣冷癥積在脇下及腳氣上入小腹腹中脹滿百病方 大蒜去心皮三升搗令極熟以水三升和令調絞取汁更搗餘滓令熟更以水三升和令調絞取汁更搗餘滓令熟更以水三升和令調絞取汁合得九升所得滓可桃顆大棄之以微火煎取三升下牛乳三升合煮取三升旦起空腹一頓溫服令盡至申時食三日服一劑三十日服十劑止

大蒜煎 治疝瘕積聚冷癖痰飲心腹脹滿上氣咳嗽刺風風癩偏風半身不遂腰疼膝冷氣息否塞百病方

蒜六斤四兩去皮切水酥一升內 牛乳二升 薑菱 胡椒 乾薑各三兩 石蜜 阿魏 戎鹽各二兩 石菖蒲四斗煮取一斗去滓 酢蒜汁中

木香各一兩 乾胡桃四兩 右十二味爲末內蒜汁中以銅器微火煎取一斗空腹酒下一兩五日已上稍加

至三兩二十日覺四體安和更加至六兩此治一切冷氣甚良

〔衍義〕 蒜氣穢濁用以治穢濁之疾同氣相感之用然在藜藿之人為當若素稟清癯者用之反傷清純之氣良非所宜 其大蒜煎治諸冷癖疝癖否塞百病用椒薑畢魏木香菖蒲胡蒜之烈以破積結牛乳乳酥石蜜戎鹽佐胡桃之潤以化辛烈也

桔梗破氣丸 治氣上下否塞不能息方 桔梗 橘皮 乾薑 厚朴 枳實 細辛 葶藶各三分 吳萸

白朮各六分 胡椒 川椒 烏頭各七分 萆薢十分 人參 桂心 附子 茯苓 前胡 防葵 川芎各五分 甘草

大黃 檳榔 當歸各八分 右二十四味為末蜜丸如梧子大每服酒下十九丸日三有熱者空腹服之

〔衍義〕 上下否塞不能布息故用桔梗橘皮前胡以散痞防葵葶藶大黃以蕩實檳榔枳實厚朴以泄滯烏頭附子細辛以破結川椒吳萸胡椒萆薢以下氣乾薑桂心以溫中川芎當歸以和血人參白朮茯苓甘草以安正氣而助藥力也

檳榔湯 治氣實苦積聚不得食息方 檳榔三七枚 附子一枚 半夏一升 細辛一兩 乾薑八兩 大黃 紫苑

柴胡各三兩 橘皮 甘草 紫蘇冬用 茯苓各二兩 右十二味咬咀以水一斗煮取三升分三服相去如人行

十里久若有癥結堅實如石加鱉甲三兩防葵二兩氣上加桑皮切二升枳實厚朴各二兩消息氣力強弱進一劑後隔十日更服前桔梗破氣丸

〔衍義〕金匱大黃附子湯本治寒積脇下偏痛發熱脈緊弦千金參入半夏生薑茯苓甘草橘皮紫蘇紫苑柴胡檳榔等味總皆大黃附子細辛三味之輔佐耳

治積年患氣發作有時心腹絞痛忽然氣絕腹中堅實醫所不治復謂是蠱方 檳榔大者四枚 附子一枚半夏

一升柴胡三兩生薑八兩橘皮 甘草 桂心 當歸 枳實各二兩 右十味咬咀以水一斗煮取三升分

三服五日一劑服三劑永除根本

〔衍義〕患氣者積氣也方用薑半夏橘皮以散氣附桂當歸以破血檳榔枳實以泄滿柴胡甘草以和諸藥之性也

半夏湯 治逆氣心腹滿氣上衝胸脇痛寒冷心腹痛嘔逆及吐不下食憂氣結聚方 半夏一升生薑 桂

心各五兩 橘皮四兩 右四味咬咀以水七升煮取三升分四服日三夜一人強者作三服亦治霍亂後吐逆

腹痛

〔衍義〕此方專以破氣為主故於七氣湯中除去人參甘草易入橘皮以破滯氣即前治積年患氣中四味

專破血結痰積也

貝母湯 治上氣咽喉塞短氣不得臥腰背痛胸滿不得食面色黃萎方 貝母一兩生薑五兩桂心 麻

黃 石膏 甘草各二兩 杏仁三十枚 半夏五合 右八味咬咀以水一斗煮取三升分三服日三



〔衍義〕咽喉窒塞胸滿必是寒鬱熱邪不得發越故用麻杏甘石加薑半以滌痰涎桂心以通血脈貝母以清肺氣雖云輔佐實緩麻黃石膏之性耳

麻黃湯 治上氣脈浮欬逆喉中水雞聲喘息不通呼吸欲死方 麻黃八兩 甘草四兩 大棗三十枚 射干如博

二枚 右四味咬咀以井泉水一斗煮麻黃三沸去沫內藥煮取四升分四服日三夜一

〔衍義〕於射干麻黃湯中除去生薑半夏細辛五味紫菀欬冬但加甘草一味以和中氣也

奔氣湯 治天氣上奔胸膈中諸病發時迫滿短氣不得臥劇者便情欲死腹中冷濕氣腸鳴相逐成結氣方

生薑一斤 半夏 吳萸各一升 桂心 五兩 人參 甘草各三兩 右六味咬咀以水一斗煮取三升分四服

〔衍義〕此卽五味七氣湯加吳萸以降逆氣也

枳實湯 下氣治胸中滿悶方 枳實三枚 附子二枚 大棗十四枚 半夏五兩 人參 甘草 白朮 乾薑 厚

朴各二兩 右九味咬咀以水七升煮取二升半每服八合日三

〔衍義〕於附子理中湯加枳實厚朴以祛濁痰大棗以通津液

下氣湯 治氣滿腹脹方 半夏一升 生薑一斤 人參一兩 橘皮三兩 右四味咬咀以水七升煮取三升去

滓分三服日三 一方無人參止三味

〔衍義〕此卽大半夏湯去桂心之溫散加人參以助藥力

治氣兩脇滿急風冷方 杏仁 茯苓 防葵各八兩 吳茱萸 橘皮 桂心 防風 澤瀉各五分 白朮 射干

芍藥 蘇子 桔梗 枳實各六分 右十四味為末蜜丸如梧子大酒服十九日二加至二十九

〔衍義〕風冷攻注兩脇故用杏仁桔梗防風開發於上防葵射干枳實芍藥降泄於下茱萸桂心溫散於中

茯苓澤瀉白朮橘皮分清於內也

訶黎勒丸 治氣滿閉塞不能食喘息方 訶黎勒十枚為末蜜丸如梧子大食服三丸不忌得利即止

〔衍義〕金匱治氣痢失氣用訶黎勒粥飲澀以收之千金治氣需喘息用訶黎勒蜜丸潤以斂之蓋得粥則

引入脾經以治痢下氣泄得蜜則引入肺經以治喘息氣上各得引經之妙用耳

治上氣欬逆方 蘇子一升五味子五合麻黃 細辛 紫苑 人參 黃芩 甘草各二兩 桂心 當歸各一兩

生薑五兩半夏三兩 右十二味咀以水一斗煮取三升分三服

〔衍義〕於小青龍湯中用當歸以易芍藥生薑以易乾薑加人參以助半夏之運痰蘇子以輔麻黃之泄氣

紫苑以佐細辛之散結黃芩斂生薑之辛散也

治氣上不得臥神秘方 橘皮 生薑 紫蘇 人參 五味子各五兩一分 右五味咀咀以水七升煮取三

升分三服

〔衍義〕橘皮生薑紫蘇皆散氣之品得人參五味之固斂不使津隨氣泄乃散中用斂之捷法惟千金得之

治熱發氣上衝不得息欲死不得臥方 桂心半兩 白石英 麥冬 枳實 白薜皮 貝母 茯神 檳榔

仁 天冬各二兩半 車前二兩 人參 前胡 橘皮 白薇 杏仁各一兩半 郁李仁三兩 桃仁五分 右十七味為

末蜜丸如梧子大以竹葉飲服十九日三加至三十丸

竹葉飲子 竹葉 蘇子各一升 紫苑 白前各二兩 百部 甘草 生薑各三兩 右七味咬咀以水八升煮取三

升溫服下前丸藥盡更合

〔衍義〕本虛邪實故用桂心石英人參茯神天麥二冬固本滋津前杏橘貝白薇白薜疎肺泄氣檳榔車前

郁李桃仁分調血氣而順下之 更以竹葉飲子清潤諸味但加生薑之辛散而下前丸上下開泄其氣也

人參湯 安食下氣理胸脇并治客熱方 人參 麥冬 乾薑 當歸 茯苓 甘草 五味子 黃芪

芍藥 枳實各二兩 桂心三兩 半夏一升 大棗十五枚 右十三味咬咀以水九升煮取三升去滓每服九合從

巨至晡令盡皆熱服慎勿冷

〔衍義〕方中參芪甘草麥冬五味保元生脈之製也更兼乾薑桂苓枳半大棗理中運痰當歸芍藥以和榮

血也

海藻橘皮丸 下氣治風虛支滿膀胱虛冷氣上衝肺息奔令咽喉氣悶往來方 海藻 橘皮 白前各三

杏仁 茯苓 芍藥 桂心各五分 蘇子五合 棗肉 桑白皮 昆布各二兩 吳萸 人參 白朮 葶藶各一

右十五味爲末蜜丸如梧子大飲服十九日二加至十五丸以小便利爲度

〔衍義〕海藻昆布葶藶皆破水滌痰伐腎之猛劑佐以蘇子杏仁橘皮白前桑皮泄肺諸品不得以參朮  
黃桂苓芍聚肉安中氣之崩迫也

治氣上方

礪砂

細辛

牛膝等分

右三味爲末氣發酒服方寸七後三日忌酒餘禁如藥法

〔衍義〕氣上而用細辛牛膝從陰引陽病在上取之下也其礪砂雖有破積攻堅噎膈反胃之治然毒烈不  
減砒礬當是礪砂之誤字蹟相類性味相彷彿同爲柔五金去垢膩噎膈積聚之用但性稍遜而無化人心爲  
血之利害也

治上氣方

上酥一升獨頭蒜五顆

右二味先以酥煎蒜蒜黃出之用生薑汁一合共煎令熟空腹溫服一

方寸七

〔衍義〕前治結氣冷癥在脇下用蒜汁牛乳此用獨頭蒜乳酥加薑汁以辟臭氣通神明似勝於前與大蒜  
方中用乳酥乾薑同意

治上氣嘔吐方

芥子二升爲末蜜丸寅時以井花水服如梧子七丸日二亦可作散空腹服之及有酒浸服

并治臍下絞痛

治勞氣方

小芥子三升搗末絹袋盛酒三斗浸密封七日去滓溫服半升漸至一升半酒盡更合忌如藥法

千金要方

卷十七

附張路玉先生衍義

十四

〔衍義〕芥子辛溫專治脇下及皮裏膜外之痰恐其性暴易散故以蜜丸酒服緩行其勢 或搗末酒浸但取氣味不用其滓尤得峻味緩攻之妙

治上氣三十年不瘥方 大棗 杏仁各百二十枚 鼓十粒 川椒二百粒 右四味先搗杏仁鼓令熟後內棗椒更搗

為丸如棗核大含稍稍咽之日三夜一

〔衍義〕川椒散冷氣杏仁散結氣香豉去惡氣大棗和中氣邪氣散而正氣安矣

治積年上氣不瘥垂死者方 葇荑子熬令熟羊肝薄切曝乾 右二味各搗等分以七月七日神酢拌令相著夜

勿食空腹服二方寸七須臾拾鍼兩食頃以冷漿白粥二七止之隔日一服永瘥四十日內得煮飯汁作蕪

菁羹食之已外一切禁斷

〔衍義〕今世以葇荑根治噎膈反胃取其性走以劫痰垢宿滯然性稟陰毒煮熟尚能生芽能使痰迷心竅令人狂惑見鬼不可不慎用羊肝者取其引入血分用酢拌者恐其惑亂神識故取酸收之義

下氣方 生薑五兩小麥二升 右二味以水三升煮取一升頓服○又方 大棗十四枚 紫蘇莖葉切一升 右

二味以酒二升煮取一升半分再服水煮亦得 一方加橘皮半兩時後無棗用橘皮

〔衍義〕生薑散氣小麥安中不使木邪反干肺氣 又方以紫蘇散氣大棗安中與生薑小麥同具散安之用

用

治氣方 桃皮二升去黃者咬咀以水五升煮取三升每服一升瘥止○又方 驢脂二合酒服日二瘥止○  
又方黃牛乳二升煎取一升和生乳一升空腹服之日二○又方 驢乳初服三合三日後服五合後至七  
合七日後至十升忌葵茶猪魚油等○又方 尿空腹服百日即止治一切病○又方 烏牛尿空腹服日  
再至三升止

〔衍義〕桃根皮辟邪散血 驢脂動風以為祛風之嚮導 黃牛乳補虛止渴治噎膈反胃大便燥結 驢

乳與牛乳同類兼能滋化風熱 童尿治噎膈火逆上嘔下結 烏牛尿專滌垢膩噎膈脹閉者宜之

補氣虛逆方 大棗三升柑皮去膜十具乾薑二兩地黃八兩 右四味治下篩酒四升漬棗三宿漉出棗取酒為

炊汁將棗內甑中微火蒸令棗膏入釜中酒裏煎酒令至二升許候棗只存皮核乃止火貯器中將前散及

熱下攪令調大略與糖相似酒服二合日再此方非止補氣亦通治一切短氣并形體羸瘦神良

〔衍義〕大棗滋運脾津柑皮利腸中熱毒乾薑治胸滿欬逆地黃治傷中血痹再取柑皮以行大棗之滯地

黃以滋乾薑之烈

大補氣方 地黃五兩秦椒 甘草各一兩 骨皮 乾薑 昆布各四兩 白朮 桂心 人參 厚朴 海藻各三兩

羊腎一具去膏腎 羊肚一具去膏腎 治如食法 右十三味治下篩內羊肚中合腎縫塞肚口蒸極熟為度乘熱木臼合搗取

肚腎與藥為一處曝乾更搗為散酒服方寸七日一

〔衍義〕陽根於陰補氣必先滋血故首取地黃以滋薑桂秦椒之燥以濟參朮甘草厚朴之溫以助羊肚羊腎之補以化海藻昆布之毒以佐骨皮清解標熱旺氣也

白石英散

明目利小便治氣及補五勞七傷無所不治方

煉成白石英十兩

白石英無多少以錘子碾上細礮向明選去塵翳色暗黑

黃赤者惟取白淨者為佳搗篩磁器中研令極細熟以生絹袋於銅器中水飛盡如作粉法如此三度研訖澄之漸漸去水水盡至石英曝乾看中有粗惡不淨者去之堪用者更研使熟白絹袋盛著磁器中以磁碗蓋之於三斗米下蒸之以飯熟訖取出懸之使乾更於磁器中研之為成

石斛

菴蓉

澤瀉

茯苓

橘皮

兔絲子

三七

味治下篩總於磁器中研令相得重篩酒服方寸七日二不得過服慎猪魚鵝鴨蒜酢滑

〔衍義〕肺氣虛寒已極必需白石英為君佐以菴蓉兔絲引領虛陽歸宿下元不使上浮喘滿其餘石斛澤瀉茯苓橘皮通解石英之性耳

白石英丸

補養肺氣方

白石英

陽起石

磁石

兔絲子

菴蓉

地黃

各二兩半 栝藋根

石斛

白朮

五味子

各二兩

防風

巴戟

各五分

桂心

人參

各一兩

蛇牀子

半兩

右十五味為末蜜丸如梧子大酒下十五

丸加至三十丸日二服

〔衍義〕方中磁石專解石英陽起石之慄悍地黃專助兔絲菴蓉之滋精防風專鼓人參白朮之益氣石斛專輔巴戟之強陰栝藋根專化桂心之辛熱五味子專收蛇牀之燥烈用藥之奧全在配合得宜不可拘於藥性或隨佐使或相反激或用和解或寒因寒用熱因熱用或補中寓瀉瀉中寓補或寒熱交錯補瀉雜陳

種種各具至理非熟擅金匱千金之法者難以語此

補傷散 治肺傷善泄欬善驚恐不能動筋不可遠行膝不可久立汗出鼻乾少氣喜悲心下急痛引胸中

臥不安席忽喜夢寒熱小便赤黃目不能遠視唾血方 天冬一升 防風 澤瀉 人參 阿膠各一栝

蕪根 前胡 芍藥 石膏 乾薑 大豆卷各二兩 紫苑 白斂各一兩 桂心 白朮各四兩 地黃 甘草 山

藥 當歸各二兩半 右十九味治下篩食前酒服方寸匕日三

〔衍義〕此金匱薯蕷丸之變方除一十三味相同外其天冬乃麥冬之變味柴胡乃前胡之變味澤瀉乃茯

苓之變味栝蕪根乃杏仁之變味石膏乃桔梗之變味紫苑乃川芎之變味惟麴棗二味無可變味裁汰未

為不可

理氣丸 治氣不足方 杏仁 桂心各一兩 乾薑 益智仁各二兩 右四味為末蜜丸如梧子未食服三丸以

知為度

〔衍義〕理者補不足而損有餘也杏仁散肺氣桂心助肝氣乾薑溫脾氣益智收腎氣補火以生土也

治冷氣氣短方 蜀椒五兩絹袋盛酒一斗浸二七日服之任意多少

〔衍義〕蜀椒溫中下氣能使遊火下達命門而本經治欬逆不獨主下氣也以其性稟五行氣辛能升味厚

能降周身上下無所不至一切虛寒逆乏無不宜之



治讀誦勞極疲乏困頓方 酥 油 酒 白蜜各二升 合銅器中微火煎二十沸下之爲準七日七夜服令

令盡宜慎生冷○又方 人參 甘草 茯苓 當歸各二兩 川芎 芍藥 地黃 黃芪 骨皮各三兩 大棗

二十枚 右十味咀咀以水一斗煮取三升分三服 一方桂心三兩

〔衍義〕誦讀過勞氣傷聲瘖但需滋其氣道聲音自復方後垂戒宜慎生冷者恐其閉遏清陽之氣耳 若

其人本元素虧又當從事參芪甘草以保元芎歸芍地以滋血茯苓骨皮以清火大棗以滋脾家之津液也

治平短氣方 搗韭汁服一升立瘥肘後方治卒上氣喘息便欲死

治乏氣方 生薑 枸杞葉各二兩 右二味咀咀以水三升煮取一升頓服

治年少房多短氣方 鼓七合 梔子十四枚 右二味以水二升煮鼓取一升半去鼓內梔子煮取八合服半升不

瘥更服

〔衍義〕死血留泊於肺胃而卒然短氣者用生韭汁之辛以散之 暴寒襲於會鑿而卒然氣乏聲啞者生

薑汁之辛兼枸杞葉之苦以散之 少年房多短氣虛火上浮者取鼓下通腎氣梔子上散虛陽若病人舊

有微溲者則長沙有不可用之之戒設或腎中真陽素虧而喘息短氣又當從事辛溫納氣歸元之法矣

灸法

凡上氣冷發腹中雷鳴轉叫嘔逆不食灸太衝不限壯數從痛至不痛從不痛至痛止○上氣厥逆灸胸膈百

壯穴在兩乳間

胸膈中氣灸鬲膈百壯

扁鵲云第四椎下兩旁各一寸半名鬲膈

心腹諸病堅滿煩痛憂思結氣寒冷霍亂

心痛吐下食不消腸鳴泄利灸太倉百壯

太倉穴一名胃募在心下四寸乃胃脘下一寸是

結氣囊裏鍼藥所不及灸胃募隨年

壯胃募二穴從乳頭度至臍中屈去半從乳下行度頭是穴

下氣灸肺膈百壯 又灸太衝五十壯 臍

下絞痛流入陰中發作無時此冷氣也灸關元百壯穴在臍下三寸

短氣不得語灸天井百壯穴在肘後

兩筋間

又灸大椎隨年壯

又灸肺膈百壯

又灸肝膈百壯

又灸尺澤百壯

又灸小指第四指間

交脈上七壯

又灸手十指頭合十壯

少年房多短氣灸鳩尾頭五十壯

又鹽灸臍孔中二七壯 乏

氣灸第五椎下隨年壯

論曰凡卒厥逆上氣氣攻兩脇心痛滿淹淹欲絕此為奔豚氣急作湯以浸兩

手足數數易之

奔豚灸氣海百壯穴在臍下一寸半

又灸關元百壯穴在臍下三寸

奔豚灸期門百

壯穴直兩乳下第一脇端傍一寸五分

奔豚腹腫灸章門百壯章門一名長平穴在大橫外直臍季脇端

奔豚腹腫不得息灸中極五十壯中極二名玉泉穴在臍下四寸

奔豚上下腹中與腰相引痛灸中府

百壯穴在乳下三助間

奔豚上下灸四滿二七壯穴俠丹田兩傍相去三寸即心下八寸臍下橫文是也

肺痿第六論一首 方四首

論曰寸口脈數其人病欬口中反有濁唾涎沫出何也師曰此為肺痿之病何從得之師曰病熱在上焦因欬

為肺痿或從汗出或從嘔吐或從消渴小便利數或從便難數被駛藥下重亾津液故得肺痿又寸口脈不出

而反發汗陽脈早索陰脈不澀三焦踟躕入而不出陰脈不澀身體反冷其內反煩多唾昏燥小便反難此為肺痿傷於津液便如爛瓜下如豚腦但坐發汗故也其病欲欬不得欬欬出乾沫久久小便不利其脈平弱肺痿唾涎沫而不欬者其人不渴必遺溺小便數所以然者上虛不能制下故也此為肺中冷必眩師曰肺痿欬唾咽燥欲飲者自愈自張口者短氣也

甘草乾薑湯

溫臟治肺痿多涎唾小便數肺中冷必眩不渴

若渴者屬消渴症

不欬上虛下不能制洩方

甘草四

兩乾薑二兩

右二味咬咀以水三升煮取一升半去滓分二服服此湯已小溫覆之集驗肘後有大棗十

二枚

甘草湯

治肺痿涎唾多出血心中溫溫液液方

翼方名溫液湯

甘草二兩咬咀以水三升煮取一升半取滓分三

服

〔衍義〕金匱云熱在上焦因欬而為肺痿又云肺痿吐涎沫而欬痞其人不渴必遺尿小便數所以然者上虛不能制下故也此為肺中冷必眩多涎唾甘草乾薑湯溫之方用炙甘草溫肺兼乾薑以搜逐寒涎也若心下溫溫液液欲吐不吐單用甘草一味溫補肺絡寒涎不煩乾薑搜逐之力服甘草乾薑湯渴者屬消渴又當從白虎加人參例治也

生薑甘草湯

治肺痿欬唾涎沫不止咽燥而渴方

生薑五兩甘草四兩人參三兩大棗

十二枚

右四味咬

咀以水七升煮取三升去滓分三服

〔衍義〕肺痿日久胃氣并虛雖用甘草不得人參協助之力無以建溫肺之功且津氣既衰不能勝乾薑之燥故易生薑散肺之結佐以大棗連脾之津土沃金生虛則補其母上皆屬寒主治若屬熱者則有炙甘草湯麥門冬湯白虎加人參湯等法在三隅之反智者自能領悟也

麻黃湯

治肺脹欬而上氣咽燥而喘脈浮者

下有水方 麻黃 芍藥

生薑仲景用乾薑

細辛

桂心各三兩

半夏

五味子各半兩

石膏四兩

右八味咀咀以水一斗煮取三升分三服

仲景名小青龙加石膏湯用甘草二兩為九味

〔衍義〕肺脹皆屬邪實非若肺痿雖有寒熱之分從無實熱之例金匱有云上氣而燥者屬肺脹欲作風水發汗則愈其治原有越婢加半夏湯小青龍加石膏湯兩方千金麻黃湯即小青龍加石膏湯因集方時偶失遺甘草一味後世不敢擅補庸師不知誤失相傳至今不改如初蓋小青龍加石膏中藏越婢之法越婢加半夏中藏小青龍之法方中甘草皆不可缺乃治風水之的方不獨發汗并祛肺中涎水蘊熱全在半夏石膏輔佐麻芍桂辛之力耳

肺癰第七論一首 方六首

論曰病欬唾膿血其脈數實者屬肺癰虛者屬肺痿欬而口中自有津液舌上胎滑此為肺寒非肺痿若口中辟辟燥欬即胸中隱隱痛脈反滑數此為肺癰也問曰病者欬逆師脈之何以知為肺癰當有膿血吐之則死

後竟吐膿死其脈何以別之師曰寸口脈微而數微則爲風數則爲熱微則汗出數則惡寒風中於衛呼氣不入熱過於榮吸而不出風傷皮毛熱傷血脈風舍於肺其人則欬口乾喘滿咽燥不渴多唾濇沫時時振寒熱之所過血爲凝滯蓄結癰膿吐如米粥始萌可救膿已成則難治寸口脈數跌陽脈緊寒熱相搏故振寒而欬跌陽脈浮緩胃氣如經此爲肺癰師曰振寒發熱寸口脈滑而數其人飲食起居如故此爲癰腫病醫反不知而以傷寒治之不應愈也何以知有膿膿之所在何以別知其處師曰假令膿在胸中者爲肺癰其脈數欬唾有膿血設膿未成其脈自緊數緊去但數膿爲已成也

桔梗湯

治欬胸中滿而振寒脈數咽乾而不渴時時出濁唾腥臭久久吐膿如米粥是爲肺癰方

桔梗三兩

集驗方用二兩右甘草二兩今錄驗方用一兩

右二味咬咀以水三升煮取一升去滓分二服必吐膿血也 一方有欬冬

花一兩半

〔衍義〕肺癰初起欬唾臭痰用桔梗以清肺氣利咽喉甘草去咽痛解熱毒金匱始萌可救之法也

瀉肺湯

治肺癰喘不得臥方

葶藶

三兩爲末大棗二十枚

右二味咬咀以水三升先煮棗取二升去棗內葶藶

二方寸七煮取七合頓服令盡三日服一劑可至三四劑治肺癰胸脇脹一身面目浮腫鼻塞涕出不聞

香臭欬逆上氣喘鳴迫塞宜先進小青龍湯却服前藥

其小青龍湯方見前第九卷傷寒門

〔衍義〕

肺癰已成吐如米粥濇垢壅遏清氣之道所以喘不得臥鼻塞不聞香臭故用葶藶破水瀉肺大棗

護脾通津乃瀉肺而不傷脾之法保全母氣以爲向復長肺葉之根本然肺胃素虛者葶藶亦難輕試不可不慎

皂莢丸 治肺癰初起欬逆上氣時時濁唾但坐不得臥方 皂莢八兩爲末蜜丸如梧子大以棗膏和湯服

三九日三服夜一服

必效方以酥炙皂莢

〔衍義〕此肺癰滌除痰垢之的方皂莢辛鹹力專去風拔毒通關利竅破積攻堅之峻藥酥炙蜜丸潤其燥烈服用棗膏和湯通達脾津然惟肥盛之人肥痰支塞於竅絡始萌可救者爲宜若潰後膿過泄血及元氣瘠薄之人難勝搜剔者未可輕試所以千金更立葶莖湯黃昏湯等方以補金匱之未逮

黃昏湯 治欬有微熱煩滿胸中甲錯是爲肺癰者方 黃昏手掌大一塊是合歡皮也咬咀以三升煮取一升分二服

〔衍義〕合歡屬土與水補陰之功最捷其幹相著卽粘合不解故治肺癰潰後長肺之要藥一名合昏又名黃昏盪無顧名思義之意存焉

葶莖湯方 葶莖仁 瓜瓣各半升 桃仁五十枚 葶莖切二升水二斗煮取五升去滓 右四味咬咀內葶汁煮取一升服一升當

有所見吐膿血

〔衍義〕葶莖下氣利水本經治筋急拘攣不可屈伸能清脾濕祛肺熱所以虛勞欬嗽肺痿肺癰虛火上乘

皆取以爲下引之味但性專利水津氣受傷者服之每致燥渴不若取其根一味搗汁熱飲三合連飲三五次不拘癰之已潰未潰服之最捷甜瓜瓣專於開痰別錄治腹內結聚破潰膿血善逐垢膩而不傷伐正氣爲腸胃內癰要藥桃仁治瘀血血閉性專下走而無上逆之虞葦莖專通肺胃結氣能使熱毒從小便泄去以其中空善達諸竅用莖而不用根本乎天者親上也

桂枝去芍藥加皂莢湯 治肺癰吐涎沫不止方 桂枝 生薑各三兩 甘草二兩 皂莢一兩 大棗十五枚 右五

味咬咀以水七升煮取三升去滓分三服

〔衍義〕桂枝湯和榮衛藥千金去芍藥之酸收參入皂莢一味卽金匱皂莢丸不用蜜丸而入湯液然不若用湯送丸不使皂莢之味棘喉尤爲得宜此惟肥盛多濕濁垢支塞肺胃者方爲合劑若瘦人津液素槁雖有痰血亦難勝皂莢之蕩滌也 此方向列肺痿例中因世本方中刊作肺痿吐涎沫乃魯魚之誤今力正之

飛尸鬼疰第八

論一首 方四十二首 灸法十四首

論曰凡諸心腹痛服衆方熱藥入腹寂然不動但益氣息急者此尸疰病也宜先服甘草汁一升消息少時服瞿麥湯盡一劑得下便覺稍寬并暴癢堅結宿食及女人血堅痛發作無定者神良

五疰湯 治卒中賊風瀕尸鬼邪心腹刺痛大脹急方 大黃 甘草各三兩 當歸 芍藥各二兩 烏頭十枚 桂心

四兩生薑

蜜各一斤

右八味咬咀別漬大黃以水九升煮取三升烏頭別內蜜中煎令得一升和湯中去

滓分服三合如人行三十里久更進一服日三不知加至四合

〔衍義〕賊風五瘧之邪心腹刺痛脹急服熱藥寂然不動但氣息反急者以其氣逆上衝必干于肺所以千金類附此門宜先服甘草湯者取其解毒也少頃服瞿麥湯者取其利小便也本經謂瞿麥能出刺極言逐邪拔毒之速也五瘧湯中用烏頭薑桂辛烈祛辟陰邪卽兼歸芍護持營血甘草蜂蜜解毒安中除邪養正之大略也

蜈蚣湯

治惡瘧邪氣往來心痛徹背或走入皮膚移動不定苦熱四肢煩痛羸乏短氣方 蜈蚣一枚牛黃

一分丹砂

人參各三分

大黃二兩

鬼臼

細辛

當歸

桂心

乾薑各一兩

黃芩

麝香各半兩

附子四枚

右十三味咬咀以水一斗煮取三升去滓下牛黃麝香末分三服

〔衍義〕方中丹砂牛黃麝香鬼臼辟邪卽用參附薑桂安止大黃黃芩開泄熱毒之去路也

治卒中惡賊風寒冷入腹便絞痛或飛尸遁尸發作無時搶心胸滿脇痛如刀刺口噤者方 吳茱萸 桂心

芍藥各二兩

乾地黃

乾薑

茯苓

甘草

細辛

當歸

羊脂各一兩

梔子仁十五枚

右十一味咬咀以水

八升煮取三升去滓內脂烱盡分三服欲利者加大黃三兩

〔衍義〕方中藥味與前後諸方相類惟羊脂治賊風痠痺去經絡熱毒突出意表



治卒中惡風角弓反張或飛尸遁尸心腹絞痛方 乾地黃 芎藭 當歸 茯苓 甘草各一兩 芍藥 吳茱

萸 桂心 乾薑各二兩 梔子仁十四枚 右十味咬咀以水八升煮取三升分三服痛甚者加羊脂二兩人參

當歸芍藥各一兩心腹堅急加大黃二兩

〔衍義〕卒中惡風角弓反張首用地黃兼芎歸芍藥以解血脈中之熱毒養血榮筋治風先治血也

桃皮湯 治中惡氣心腹痛胸脹滿方 桃白皮一握東引者 真珠 附子各一兩 梔子仁 當歸三兩 吳茱萸

二兩或五合桂心二兩 右八味咬咀以水五升煮取二升去滓同真珠末分作二服 一方無當歸已下

四味

桃奴湯 治中惡諸尸蠱疰心腹卒絞痛方 桃奴 人參 當歸 乾薑各二兩 芎藭 甘草各三兩 桂心 茯

苓 鬼箭羽 犀角 丹砂 麝香各一兩 右十二味咬咀以水九升煮取二升半去滓分二服大便不通

腹滿加大黃三兩芒硝二兩胡洽無丹砂芎藭有雄黃一兩

〔衍義〕桃皮湯取桃根白皮辟邪散血真珠鎮心安神以佐萸附辛溫散結梔鼓分解旺氣也 桃奴湯中

專取桃奴殺鬼精物鬼箭羽破血除風其間乾薑卽前方萸附之意犀角卽梔鼓之意桂心當歸散血溫經

之用則一其餘諸味可以意推

治卒中風寒冷溫氣入腹臙脹急滿搶心胸脇久痛氣息不通脈弦緊汗不出及傷寒方 吳茱萸 當歸

麻黃 獨活 甘草 桔梗 茯苓各二兩 桂心 青木香 大黃 石膏各三兩 犀角 右十二味咬咀以水九升煮取三升分三服日三

治風冷入腹忽絞痛緊急如吹大小便閉小腹有氣結如斗大脹滿其脈弦緊或沉遲者方 瞿麥 當歸

鬼箭羽 猪苓 桔梗 吳茱萸 海藻 川芎 防己各二兩 桂心 大黃各三兩 一方有犀角二兩 右

十二味咬咀以水九升煮取三升分三服

〔衍義〕 卒中風寒時行溫氣入腹用麻黃大黃石膏犀角等味分逐中外諸邪風冷入腹專用瞿麥茱萸桂

心海藻防己大黃祛邪內泄也

治諸雜症相連續死及治三十年眾瘧方 桃根白皮一斤咬咀以水二斗煮取一斗去滓分八九服須令二

日服盡崔氏用桃根白皮治症心腹痛不可忍者 ○又方 桃仁十四枚搗研酒服 ○又方 小芥子豕雞子白和傅

尸瘞鬼瘞者卽五尸之中尺瘞又挾諸鬼邪爲害也其變動乃有三十六種至九十九種大略令人寒熱淋瀝

沉沉默默不得知其所苦而無處不惡累年積月漸就頓滯以至於死死後復瘞易傍人乃至滅門覺如此

候者宜急療之方 懶肝一具陰乾治下篩水服一方寸七日三如一具不瘞更作

〔衍義〕 桃根白皮取其辟邪 桃仁取其散血 芥子入肺利氣豁痰兼有辟惡之功 懶肝專殺瘵蟲兼

療殭瘵

小附著散 治飛尸賊風發時急痛不在一處鍼之則移發一日半日乃瘥須臾復發者方 細辛 天雄

甘草 各一分一作莽草 桂心 三分 烏頭 附子 乾薑 各一兩 真珠 雄黃 各半兩 右九味治下篩酒服方寸七不知

稍增以知為度 胡洽不用桂心附子有椒蜀四分

大附著散 治五尸症忤與前狀同者方 天雄 桂心 各半兩 細辛 乾薑 雄黃 黃芩 黃連 由跋

椒目 各一兩 金牙 犀角 麝香 牛黃 各一分 真珠 三分 蝦蚣 一枚 右十五味治下篩酒服一錢七日三服以

知為度

〔衍義〕方中一脈辛烈辟除邪毒之藥獨取真珠以安神識甘草以和胃氣 大附著散中天雄雄黃金牙

由跋蜈蚣麝香牛黃犀角無所不具專取芩連以清邪熱惡毒也

後金牙散 治鬼疰風邪鬼語尸症或在腰脊胸脇流無常處不喜見人志意不定而脫色目赤鼻張唇乾甲

黃耆方 金牙 雄黃 鐵精 曾青 珍珠 丹砂 野葛 芎藭 露蜂房 大黃 甘草 蛇蛻皮

茵茹 乾漆 各一分 石長生 狸骨 一作鶴骨 鬼臼 鬼箭羽 桔梗 烏頭 鬼督郵 椒目 狼毒 蕪荑

藜蘆 雷丸 芫菁 滑石 各二分一作硝石 毒公 鱉甲 牛黃 人參 胡燕屎 狼毒 桂心 各四分 寒水石

蜈蚣 蜥蜴 附子 各一枚 蜣螂 亭長 各一枚 石膏五分 徐長卿 斑猫 各十枚 貝母 二枚 右四十五味治下

篩先食以酒服一刀圭日二不知漸加之蟲隨大小便出 崔氏名蜀金牙散

〔衍義〕衍義附見前十二卷膽腑門大金牙散下

前大金牙散 治一切瘧病方見十二卷膽腑門

白朮散 治風入臟腑悶絕常自躁痛或風淫入身冷瘧鬼瘧飛尸惡氣腫起或左或右或前或後或內或外

鍼灸流移無有常處驚悸腹脹氣滿心頭痛或恍惚悲懼不能飲食或進或退陰下濕癢或大便有血小便

赤黃房中勞極方 白朮十四枚 附子 秦朮 人參 牡蠣 蜀椒 細辛 黃芩 川芎 牛膝各三分 乾

薑 桂心 防風各五分 獨活 柴胡 桔梗 茯苓 當歸各四分 烏頭 天雄 甘草 莽草 麻黃 石

南 杜仲 栝藹根各二分 右二十六味治下篩平旦酒服五分七訖如人行七里久勢欲解更飲酒五合

為佳

太乙備急散 治卒中惡客忤五尸入腹鬼刺鬼淫及中蠱瘧吐血下血及心腹卒痛腹滿傷寒熱毒病六七

日方 雄黃 桂心 芫花各二兩 丹砂 蜀椒各一兩 藜蘆 巴豆各一分 野葛三分 附子五分 右九味巴豆

別研如脂餘合治下篩以巴豆合相更搗置銅器中密貯之勿泄有急疾水服錢五七可加至一錢七老小

半之病在頭當鼻衄在膈上吐在膈下利在四肢當汗出此所謂如湯沃雪手下皆愈方宜秘之非賢不傳

龍牙散 治百瘧邪鬼飛尸萬病方 龍牙 茯苓各二兩半 雄黃 芍藥 棗膏各五分 乾地黃 石斛 胡燕屎

各三 鬼箭羽 烏頭 羌活 露蜂房 曾青 珍珠 桂心 杏仁 防風 桃奴 鬼臼 鶴骨各一兩

人參 大黃各一兩半 白朮 二兩 蘇子 四合 橘皮 甘草 川芎 遠志 鱉甲 鬼督郵 銅鏡鼻各半兩 狸陰

二具 蜈蚣 一枚 右三十三味治下篩酒服一斗圭以知為度當有蟲從大便出

〔衍義〕諸症方中惟此因房中勞極故用法稍平雖有麻辛莽草烏附天雄之毒劣然得參苓歸芎等味酒

養血氣不致大傷元氣也 太乙備急散 藁集 芫花 藜蘆 野葛 巴豆之毒劣濟以丹砂雄黃蜀椒桂附亦是

峻銳之伍 龍牙散 中鵝骨 狐陰 雄黃 曾青 烏頭 三鬼 辟邪 攻毒之味無不畢宜為百症萬病之類治也

治鬼瘴 蠱疰 毒氣 變化無常 處方 犀角 麝香 丹砂 雄黃 鹿角 龍骨 鮫魚皮 蜈蚣 丁香

囊荷根 蜀椒 乾薑各一分 貝子 十枚 右十三味治下篩酒服方寸七加至二七日三

〔衍義〕方中丹砂雄黃鮫皮貝子之屬皆疰病之治獨囊荷專為蠱毒而設

備急丸 治卒中惡風氣忤迷絕不知人方見前第十二卷膽腑門中

墨奴散 治卒得惡疰腹脹方 釜下墨 一合 鹽 二合 右二味合治以水一升半煮取八合一服令盡須臾

吐下即瘥

治暴心痛面無顏色欲死者方 以布裹鹽如彈丸大燒令赤置酒中稍服之利即愈

治哭瘧方 梳齒間刮取垢水服之○又方 亂髮 一兩 臘月豬脂 二合 右二味取豬脂煎髮消烱服之蟲

死矣 又方 熬大豆帛裹熨之

治一切病食瘥方凡食上百病為食注 取釜下土如雞子大為末酢泔清一升和服之行五十步吐即瘥○又方 還

取本食種數多少相似各少許和合布裏燒灰如杏仁大水服之

〔衍義〕墨奴散用釜墨之同氣相引得鹽之鹹而涌之上泄也 暴心痛面無顏色火氣上逆可知但需燒

鹽酒服以抑之下泄也 哭瘥是火爍金象肺絡中為涎垢所積故用梳齒間垢水服取吐以泄火毒 猪

脂髮灰金匱名猪膏髮煎治瘀血發黃陰吹正暝等疾取其能破血通津也 大豆熬熱裏熨取其溫暖散

氣 食瘥因飽食以受邪食滯膈上故曰食瘥用釜月下土醋服取吐在上者因而越之也 又方以所食

之物燒末服之以消化所傷之物此惟藜藿之人宜之

鸛骨丸 治飛尸遁尸積聚胸痛連背走無常處或在臟或腫在腹或奄奄然而痛者方 鸛骨三寸丹砂一作

丹牡蠣一作牡丹雄黃 莽草各四分 藜蘆 桂心 野葛各二 蟹螯 芫青各十枚 蜈蚣一枚 巴豆四十枚 右十二

味為末蜜丸如小豆每服二丸日三以知為度

〔衍義〕鸛善噉蛇故其骨能療尸瘥更以蟹螯芫青莽草藜蘆蜈蚣野葛等味彙入一方以毒攻毒

蜥蜴丸 治癰堅水腫飛尸遁尸寒尸喪尸尸瘥骨血相注惡氣鬼忤蝮毒邪氣往來夢寤存亾留飲結積積虎

狼所噉狗所咋鳩毒入人五臟服藥以殺其毒毒即消婦人邪氣鬼忤亦能遣之之方方見前第十一卷肝臟門積聚篇中

桔梗丸 治毒瘥鬼瘥食瘥冷瘥痰飲宿食不消酒癖諸病方 桔梗 藜蘆 皂莢 巴豆 附子各二兩

右五味為赤蜜和搗萬杵丸如梧子大宿不食平旦飲服二丸仰臥服勿眠至食時膈上吐膈下去惡物如蝌蚪蝦蟆子或長一二尺下後當大虛口乾可作雞羹飲五合太極飲食粥一升三四日病未盡更服忌如藥法

〔衍義〕桔梗藜蘆皂莢涌吐巴豆攻下附子以奮諸藥之力也

十疰丸 治十種疰氣疰勞疰鬼疰冷疰人疰死人疰尸疰食疰水疰土疰等方 雄黃 巴豆各二兩 人參

甘草 麥門冬 細辛一作藜蘆 附子 皂莢 蜀椒各一兩 右十味為赤蜜丸如梧子空心服五丸日

二稍加以知為度

〔衍義〕十疰丸取桔梗丸中四味不用藜蘆而用雄黃細辛蜀椒之辛烈辟邪且得人參甘草麥冬雖云助長辛烈之性究竟良藥可保護津氣不似桔梗丸之一派峻銳耳

太乙神明陷冰丸 治諸病破積聚心下支滿寒熱鬼疰長病欬逆唾噫辟除眾惡鬼逐邪氣鬼擊客杵中惡

胸中結氣咽喉閉塞有進有退繞臍絞痛惻惻隨上下按之跳手心中愠愠如有蟲狀毒疰相染甚至滅門

者方 雄黃二兩 當歸三兩 丹砂 礬石一作礬石桂心 大黃各二兩 芫青五枚 藜蘆 附子各一兩半 人參 珍珠

麝香 鬼臼 犀角 牛黃各一兩 蜈蚣一枚 射罔一兩 烏頭八枚 杏仁三十枚 蜥蜴一枚 樗雞 地膽各七枚 蟄

蝨七枚 巴豆一分 右二十四味為赤蜜和搗三萬杵丸如小豆先食服二丸日再不知稍增又以二丸著

門上令衆邪不近如傷寒服之無不愈若至病家及視病人夜行獨宿服二丸衆邪不能近也胡洽無桂心  
珠犀角麝香射罔牛黃蜥蜴  
烏頭檮雞當歸十二味藥

〔衍義〕陷冰爲名者毒邪得藥如冰泮渙也方中二十四味除人參丹砂犀角珍珠餘皆大毒大劣上吐下泄之味允爲辟除邪罔之用也

江南度世丸 治萬病癥堅積聚伏尸長病寒熱疰氣流行皮中久病著床肌肉消盡四肢煩熱嘔逆不食傷

寒時氣惡淫汗出口噤不開心痛方 蜀椒三兩人參 細辛 甘草各二兩 茯苓 珍珠 大黃 乾薑

丹砂 野葛 桂心 雄黃 麝香 鬼臼各一兩 烏頭 牛黃各二分 附子 紫苑各六分 巴豆六十枚 蜈蚣二枚

右二十味爲末蜜丸如小豆飲服二丸加至四丸日二服加獺肝一具更良

大度世丸 治萬病與前狀同者方 牛黃 大黃 雄黃 珍珠 丹砂 人參 附子 細辛 甘草

射罔 鬼臼 莽草各一兩 蜀椒 麝香 鬼箭羽 桂心 茯苓 紫苑各二兩 乾薑三兩 野葛一兩 蜥蜴

蜈蚣各一枚 地膽五小枚 芫青二十枚 檮雞三十枚 巴豆八十枚 右二十六味爲末蜜丸如小豆大飲服二丸日二先

食服之

〔衍義〕度世而分江南見南方風氣柔弱不勝猛劑峻攻不似大度世丸之毒烈倍甚也 大度世丸中射

罔莽草蜥蜴芫青檮雞無不畢具其迅劣之威與陷冰丸不相上下也



治瘡病相染易及霍亂中惡小兒客忤長病方 獺肝一具 蜈蚣一枚 麝香二分 雄黃 莽草 丹砂 鬼臼

犀角 大黃 巴豆 牛黃各一兩 右十一味為末蜜丸如麻子空腹服二丸至三丸以知為度

〔衍義〕瘰癧傳染雖有雄黃巴豆鬼臼莽草牛黃麝香不用獺肝不能使傳尸瘡擦絕跡也

雷氏千金丸 治行諸氣宿食不消飲食中惡心腹痛如刺及瘧方 硝石三分 大黃五分 桂心 乾薑各二兩

巴豆仁六十枚 右五味為末搗三千杵蜜丸如大豆服二丸神驗無比已死者折齒灌之

〔衍義〕於三物備急丸中更多硝石桂心二味以破堅積之邪乃三皇時古方也

治卒得尸瘡毒痛往來方 杏仁 亂髮灰等分 右二味研如脂丸如梧子每服酒下三丸日三姚氏以猪膏和丸

治遁尸尸瘡心腹刺痛不可忍者方 桂心 乾薑各一兩 巴豆仁二兩 右三味治下篩以上醋和如泥傅病

上乾即易之

治遁尸尸疰心腹及身有痛處不得近者方 取艾小按令碎著痛上厚一寸餘熱湯和灰令強執置艾上冷

即易不過二三度瘡

治遁尸飛尸又治暴風毒腫流入四肢頭面方 白芥子一升蒸熟搗以黃丹二兩攪和分作兩分用疎布袋

盛更蒸使熱薄痛上當更迭蒸袋常使熱薄之如此三五次即定

治人皮膚中痛苦名癩瘡方 醋和燕窠土傅之

治走疰方 燒車釘令熱暫入水以濕布裹熨痛上

治三十年氣瘕方 鼓心半升生椒一合 右二味以水二升煮取半升適寒溫用竹筒吸取汁令病者側臥

手擘大孔射灌之少時當出惡物此法垂死悉得治瘕百千不可具說

〔衍義〕卒得死瘕邪未深入但用杏仁以泄滯氣髮灰以散結血 遁尸尸瘕心腹刺痛皆陰毒爲患故於備急丸中陰去大黃之純陰易入桂心助陽醋和傳痛處以破陰邪之秘拒 屍瘕心痛不似心腹刺痛之勢劇故以艾鋪熱熨取純陽之火以散陰毒之邪耳 芥子祛痰黃丹拔毒二物蒸熨使熱氣內達以散結積之毒 皮膚中痛風濕原來深入但取燕泥醋和以收其邪可無藉於湯藥 痛而走疰風火之象故以車釘燒熨取其流動之意耳 鼓解惡毒椒散結氣從上而引濁惡下泄魄門亦肺與大腸之竅也

### 灸法

凡五尸者飛尸遁尸風尸沉尸尸瘕也今皆取一方兼治之其狀腹痛脹急不得氣息上衝心胸傍攻兩脇或塊壘踊起或牽引腰背治之之法灸乳後三寸男左女右可二七壯不止者多其壯數取愈止 又灸兩手大拇指頭各七壯 又灸心下三寸十壯 又灸乳下一寸隨病左右多壯數 又以細繩量患人兩乳頭內卽裁斷中屈之又從乳頭向外量使當助鑷於繩頭灸三壯或七壯男左女右 卒疰忤攻心胸灸第七椎隨年壯 又灸心下一寸三壯 又灸手肘文隨年壯 一切病食瘕灸手小指頭隨年壯男左女右 五毒疰不

能飲食百病灸心下三寸胃脘十壯 水淫口中經云肺來乘腎食後吐水灸肺膻 又灸三陰交 又灸期  
門穴在乳下二肋間瀉肺補腎也各隨年壯 一切瘡無新久先仰臥灸兩乳邊斜下三寸第三肋間隨年壯  
可至二百壯又治諸氣神良一名瘡市

孫真人備急千金要方卷十八

長洲張 璠路玉衍義

南沙席 世臣郢客校

大腸腑方凡七類

大腸腑脈論第一

論曰大腸腑者主肺也鼻柱中央是其候也肺合氣於大腸大腸者為行道傳瀉之腑也號監倉掾重二斤十

二兩長一丈二尺廣六寸當臍右回疊積還反十二曲貯水穀一斗二升主十二時定血脈和利精神

千金明堂外臺

同難經云長二丈一尺大四寸徑一寸 鼻遂以長以候大腸 右手關前寸口陽絕者無大腸脈也若少氣心

下有水氣立秋節即欬刺手太陽治陰在魚際間 右手關前寸口陽實者大腸實也苦腸中切痛如鍼刀所

刺無休息時刺手陽明治陽在手腕中瀉之 大腸病者腸中切痛而鳴濯濯冬日重感於寒則泄當臍而痛

不能久立與胃同候取巨虛上廉 腸中雷鳴氣上衝胸喘不能久立邪在大腸刺育之原巨虛上廉三里

大腸脹者腸鳴而痛寒則泄食不化 大腸有寒鷲溇有熱便腸垢 大腸有宿食寒慄發熱有時如瘧狀

肺前受病移於大腸肺欬不已欬則遺失便利厥氣客於大腸則夢田野 肺應皮皮厚者大腸厚皮薄者大

腸薄皮緩腹裏大者大腸緩而長皮急者大腸急而短皮滑者大腸直皮肉不相離者大腸結 扁鵲曰手太

陰與陽明為表裏大腸若病實則傷熱熱則脹滿不通口為生瘡食不入腸腸實而胃虛食下胃胃實而腸虛

附張路玉先生衍義

所以實而不滿乍實乍虛乍來乍去虛則傷寒寒則腸中雷鳴泄青白之利而發於腸氣水根在大腸方見治

大腸絕不治何以知之泄利無度利絕則死 手陽明之脈起於大指次指之端循指外側上廉出合谷兩骨

之間上入兩筋之中循臂上廉上入肘外廉循臑外前廉上肩出髃骨之前廉上出柱骨之會上下入缺盆絡

肺下膈屬大腸其支者從缺盆直上上頸貫頰入下齒縫中還出俠口交人中左之右右之左上俠鼻孔是動

則病齒痛頸腫是主津所生病者目黃口乾勦衄喉痹肩前臑痛大指次指痛不用氣盛有餘則當脈所過者

熱腫虛則寒慄不復盛者則人迎大三倍於寸口虛者則人迎反小於寸口

大腸虛實第二脈二首 方二首 灸法七首

大腸實熱 右手寸口氣口以前脈陽實者手陽明經也病苦腸滿善喘欬面赤身熱喉咽中如核狀名曰大

腸實熱也

生薑泄腸湯 治大腸實熱腹脹不通口為生瘡者方 生薑 橘皮 青竹茹 白朮 黃芩 梔子仁各

兩桂心 一兩茯苓 芒硝各二兩地黃十兩大棗十四枚 右十一味咬咀以水七升煮取三升去滓下芒硝分

二服

〔衍義〕本經言生薑久服去臭氣通神明故千金以之泄大腸之實熱兼大棗以治心腹邪氣安中養脾平

胃氣通九竅橘皮下氣通神竹茹黃芩梔子清上熱口瘡地黃芒硝治傷中逐血痹除邪熱通脹閉共襄推

陳致新之功白朮茯苓保守中氣以助諸藥之力桂心爲祛熱之內應也

治腸中臏脹不消方 灸大腸臏四十九壯

大腸有熱腸鳴腹滿俠臍痛食不化喘不能久立巨虛上廉主之

大腸虛冷 右手寸口氣口以前脈陽虛者手陽明經也病苦胸中喘腸鳴虛渴唇乾口急善驚泄白名曰大

腸虛冷也

黃連補腸湯 治大腸虛冷利下青白腸中雷鳴相逐方 黃連四兩 茯苓 芎藭各三兩 地榆五兩 酸石榴皮

五伏龍肝雞子大 一枚 右六味以水七升煮取二升半去滓下伏龍肝末分三服

〔衍義〕方下雖言大腸虛冷利下青白然腸中雷鳴火激痰動與生薑瀉心湯之用芩連佐乾生二薑同意

此用黃連佐榴皮伏龍肝得寒熱相參之妙榴皮酸澀茯苓利之芎藭地榆佐榴皮以理血脫方下雖不治

血而治血之義具見言外矣

治腸中雷鳴相逐痢下方 灸承滿五十壯穴在俠巨闕相去五寸巨闕在心下一寸灸之者俠巨闕 兩邊各二寸半

治腸中常鳴時上衝心方 灸臍中

食飲不下腹中雷鳴大便不節小便赤黃陽綱主之 腹脹腸鳴氣上衝胸不能久立腹中痛濯濯冬日重感

於寒則泄當臍而痛腸胃間遊氣切痛食不化不嗜食身腫俠臍急天樞主之 腸鳴而痛溫留主之

肛門論第三論一首

論曰肛門者主大行道肺大腸候也號為通事令史重十二兩長一尺二寸廣二寸三分應十二時若臟傷熱則肛門閉塞大行不通或腫縮入生瘡若腑傷寒則肛門開大行洞泄肛門凸出良久乃入熱則通之寒則補之虛實和平依經調理方見二十四卷中

支虛竇第四論一首

論曰夫五臟六腑者內應骨髓外合皮毛膚肉若病從外生則皮毛膚肉關格強急若病從內發則骨髓痛疼然陰陽表裏內髓外皮其病源不可不詳之也皮虛者寒皮實者熱凡皮虛實之應主於肺大腸其病發於皮毛熱則應臟寒則應腑

葫蘆蒸湯 治皮虛主大腸病寒氣關格方 葫蘆根葉切三升 萹蒲葉切二升 桃葉皮枝二升 細糠一斗 秫米五升

將蓆薦障風身上以衣被蓋覆若欲氣息時開孔對中洩氣取通身接汗可得兩食久許如此三日蒸還溫藥足汁用之若盆裏不過熱盆下安炭火非但治寒但是皮膚一切勞冷悉治之

〔衍義〕 葫蘆治寒痺拘急萹蒲通利九竅桃葉辟邪散血糠米蒸發肉腠共襄作汗之功也

梔子煎 治皮實主肺病熱氣方 梔子仁 枳實 大青 杏仁 柴胡 芒硝各二兩 生地黃 淡竹葉各切

升生元參五兩石膏八兩 右十味以水九升煮取三升去滓下芒硝分三服

〔衍義〕肺主皮毛肺熱則皮實故用梔子杏仁柴胡元參竹葉治外熱石膏芒硝大青地黃枳實治內實

欬嗽第五論二首 方五十五  
灸法十四首

論曰經云五臟六腑皆令欬肺居外而近上合於皮毛皮毛喜受邪故肺獨易爲欬也邪客於肺則寒熱上氣喘汗出欬動肩背喉鳴甚則唾血肺欬經久不已傳入大腸其狀欬則遺糞腎欬者其狀引腰背痛甚則欬涎腎欬經久不已傳入膀胱其狀欬則遺尿肝欬者其狀左脇痛甚者不得轉側肝欬經久不已傳入膽其狀欬則清苦汗出心欬者其狀引心痛喉甲介如梗甚者喉痹咽腫心欬經久不已傳入小腸其狀欬則失氣脾欬者其狀右脇痛陰引肩背甚者不得動動則欬劇經久不已傳入胃其狀欬而嘔嘔甚則長蟲出久欬不已三焦受之三焦欬狀欬而腹滿不能飲食此皆聚於胃關於肺使人多涕唾而面浮腫氣逆也若順時有風寒冷人觸冒解脫傷皮毛間入腑臟爲欬上氣如此也有非時忽然暴寒傷皮膚中與肺合則欬嗽上氣或胸脇支痛欬唾有血者是其熱得非時之寒暴薄之不得漸散伏結深喜肺癰也因欬服溫藥欬尤劇及壯熱吐膿血汁出惡寒是也天有非時寒者急看四時方也問曰欬病有十何謂也師曰有風欬有寒欬有肢欬有肝欬有心欬有脾欬有肺欬有腎欬有膽欬有厥陰欬問曰十欬之證以何爲異師曰欲語因欬言不得竟謂之風欬飲冷食寒因之而欬謂之寒欬心下堅滿欬則肢痛其脈反遲謂之肢欬欬則引脇下痛謂之肝欬欬而



唾血引手少陰謂之心欬欬而涎出續續不止引小腹謂之脾欬欬引頸項而唾涎沫謂之肺欬欬則耳無所聞引腰并膺中謂之腎欬欬而引頭痛口苦謂之膽欬欬而引舌本謂之厥陰欬風欬者不下之寒欬肢欬肝欬刺足太衝心欬刺手神門脾欬刺足太白肺欬刺手太泉腎欬刺足太谿膽欬刺足陽陵泉厥陰欬刺手太陵夫久欬爲痲欬而時發熱脈在九菽一作卒弦者非虛也此爲胸中寒實所致也當吐之夫欬家其脈弦欲行吐藥當相人強弱而無熱乃可吐耳欬家其人脈弦爲有水可與十棗湯下之見下第十二方不能臥欬者陰不受邪故也留飲欬者其人欬不得臥引項上痛欬者如小兒墜縱狀夫酒家欬者必致吐血此坐久極飲過度所致也其脈沉者不可發汗久欬數歲其脈弱者可治實大數者死其脈虛者必善冒其人本有支飲在胸中故也治屬飲家上氣汗出而欬屬飲家欬而小便利若失溺不可發汗汗出卽厥逆冷夫病吐血喘欬上氣其脈數有熱不得臥者死寒家咳而上氣其脈數者死謂其人形損故也脈大而散散者爲氣實而血虛名曰有表無裏上氣面胸腫肩息其脈浮大不治加痢尤甚上氣躁而喘者屬肺脹欲作風水發汗愈

小青龍湯

治咳逆倚息不得臥方

見第九卷傷寒上

小青龍湯下已多唾口燥寸脈沈尺脈微手足厥逆氣從小

腹上衝胸咽手足痺其面翕熱如醉狀因復下流陰股小便難時復冒者與桂苓五味甘草湯治其氣衝方

茯苓四兩桂心

甘草

各二兩五味子半升

右四味咬咀以水八升煮取三升去滓溫分三服

衝氣卽低而反更欬胸滿者苓甘五味薑辛湯以治其欬滿方

茯苓四兩甘草

乾薑

細辛各三兩五味子

半升 右五味咬咀以水八升煮取三升去滓溫服半升日三

咳滿即止而更復渴衝氣復發者以細辛乾薑為熱藥也服之當遂渴而渴反止者為支飲也支飲法當冒

者必嘔嘔者復內半夏以去其水桂苓五味甘草去桂加薑辛半夏湯方 半夏 五味子各半升 茯苓四兩

細辛 乾薑 甘草各二兩 右六味咬咀以水八升煮取三升去滓溫服半升日三

水去嘔止其人形腫者應內麻黃以其人遂瘳故不內麻黃內杏仁名苓甘五味加薑辛半夏杏仁湯方 杏

仁 半夏 五味子各半升 茯苓四兩 細辛 乾薑 甘草各三兩 右七味咬咀以水一斗煮取三升去滓溫

服半升日三若逆而內麻黃其人必厥所以然者以其人血虛麻黃發其陽故也

若面熱如醉此為胃熱上衝熏其面加大黃利之苓甘五味加薑辛半杏大黃湯方 大黃 細辛 乾薑

甘草各三兩 茯苓四兩 杏仁 半夏 五味子各半升 右八味咬咀以水一斗煮取三升去滓溫服半升日三

〔衍義〕小青龍湯余於傷寒門中大青龍條下具言之矣而金匱治欬敘於痰飲之下趙以德衍義論之最

詳以欬必因之痰飲而五飲之中獨膈上支飲最為欬嗽根蒂外邪入而合之因欬即無外邪而支飲漬入

肺中自足令人欬嗽不已況支飲久蓄膈上其下焦之氣逆衝而上尤易上下合邪也夫以支飲之故而令

外邪可內下邪可上不去支飲則欬終無甯宇矣其曰欬逆倚息不得臥小青龍湯主之明外內合邪之證

惟小青龍湯為的對耳然用小青龍湯其中頗有精義須防衝氣自下而上重增濁亂其欬不能堪矣傷寒

用小青龍湯無少陰證者可服雜證用小青龍湯亦恐少陰腎氣素虛衝任之火易於逆上衝任火上無效且增煩欬況久欬不已顧可動其衝氣耶蓋衝任二脈與腎絡同出胞中腎虛不能固守於下二脈相挾從小腹逆衝而上也腎氣本虛之人卽素無痰飲纖感外邪則衝任之火便乘勢上填膈上迫脇津液而爲痰飲支塞清道必致欬逆倚息不得臥也倚息本倚伏而喘息陰火內應外邪爲證最急不得不以小青龍湯爲務祇緣真元素虧總有合劑不能遲延掃之力所以餘邪得以久持致有如下變證也 多唾飲上溢也口燥津液傷也寸脈沈尺脈微手足逆冷衛中陽氣耗也氣從小腹上衝胸咽陰火逆也手足痺榮血虛也其面翕熱如醉陽明胃熱也因復下流陰股小便難陰火下流膀胱也時復冒太陽餘邪未散也然證雖屢變皆衝氣逆上之故且有時復昏冒一證卽定太陽表證確守胃家汗出自愈之例故反覆出入不離小青龍湯加減也設證多端衝氣最爲叵測所以首變茯苓桂心五味甘草湯先治衝氣衝氣卽低而反更欬胸滿水在膈間不散也再變前方加乾薑細辛以治其欬滿欬滿卽止 第二變而更復渴衝氣復發以細辛乾薑爲熱藥也服之當遂渴而渴反止者爲支飲也支飲者法當冒冒者必嘔嘔者復內半夏以去其水水去嘔止 第四變其人形腫者以水尙在表也加杏仁主之其證應內麻黃以其人遂痹故不內之若逆而內之必厥所以然者以其人血虛麻黃發其陽故也 第五變若面熱如醉此爲胃熱上衝熏其面加大黃以利之 前四變隨證加減施治猶未離本來繩墨至第五變其證頗似戴陽而能獨斷陽明胃熱乃加大

黃以利之接陽明病面合赤色不可攻之爲其腎虛陽氣不藏故以攻爲戒而此平昔陰虧血虛反用大黃利之者以其證變疊見雖有面熱如醉而脈見寸沉尺微洵非表邪怫鬱而爲胃中熱蘊無疑竟行滌飲攻熱不以陰虛爲慮而致扼腕也嗟夫仲景治欬全不從欬起覓治其支飲下其逆氣衝氣法中之法遊刃有餘千金祖述其義以爲支飲欬逆之成則

欬而上氣肺脹其脈浮心下有水氣脇下痛引缺盆設有熱者必躁其人常倚伏小青龍加石膏湯主之方

石膏 乾薑 桂心 細辛各二兩 麻黃四兩 芍藥 甘草各三兩 半夏半升 五味子一升 右九味咬咀以水

一斗先煮麻黃減二升去沫下藥煮取二升半強者服一升羸者減之小兒服四合仲景治肺脹欬而上氣煩燥而喘脈浮者心下

有水外臺同

〔衍義〕小青龍湯原爲欬逆倚息不得臥之首推今因心下有水氣而脈浮頗有似乎風水之候但彼因身

腫自汗不渴知病在表故用越婢此因肺脹喘滿痛引缺盆知病在裏故用小青龍加石膏仍不出越婢法

射干麻黃湯 治欬而上氣喉中如水雞聲者方 射干 細辛 欬冬花 紫菀各三兩 麻黃 生薑各四兩

夏 五味子各一升 大棗七枚 右九味咬咀以東流水一斗二升先煮麻黃去上沫內藥煮取三升去滓分

三服日三

〔衍義〕上氣而作水雞聲乃是痰礙其氣氣觸其痰風寒入肺之一驗故於小青龍方中除桂心之熱芍藥

之收甘草之緩而加射干紫苑欬冬大棗專以麻黃細辛發表射干五味下氣欬冬紫苑潤燥半夏生薑開痰四法萃於一方分解其邪大棗運行脾津以和藥性也

厚朴麻黃湯 治欬逆上氣胸滿喉中不利如水雞聲其脈浮者方 厚朴五兩麻黃四兩石膏 細辛 乾

薑各二兩 小麥一升 杏仁 半夏 五味子各半 右九味咬咀以水一斗二升先煮麥熟去麥內藥煮三

升去滓分三服日三

〔衍義〕欬而脈浮者外邪居多法當發散為主故於小青龍湯中除去桂枝湯三味加入厚朴以下氣石膏

以清熱小麥引入胃中助其升發之氣也

澤漆湯 治上氣而脈沉者方 澤漆三斤細切以東流水五斗煮取一斗五升去滓澄清半夏半升生薑 紫苑一作白前各五兩黃芩

甘草 桂心 人參各三兩 右九味內澤漆汁中煮取五升每服五合日三夜一

〔衍義〕欬而脈沉邪在營分熱過於營吸而不出其血必結邪氣外襲故用澤漆破血為君加以生薑半夏

之開痰紫苑白前之下氣黃芩之清熱桂心之和營人參甘草匡助胃氣以行藥力俾壘一空元氣不損製

方之妙若此得不以之為法耶

麥門冬湯 下氣止逆治火逆上氣咽喉不利方 麥門冬汁三升半夏一升粳米三合人參 甘草各二大

棗二十枚 右六味以水一斗二升煮取六升去滓分四服日三夜一

〔衍義〕此胃中津液乾枯虛火上炎之候凡肺氣有胃氣則生無胃氣則死胃氣者肺之母氣也故於竹葉石膏湯中偏除方名二味而加麥門冬數倍爲君人參甘草粳米以滋肺母使水穀之精微皆得上注於肺自然沃澤無虞當知火逆上氣皆是胃中痰氣不清上溢肺隧占據津液流行之道而然是以倍用半夏更加大棗通津滌飲爲先奧義全在乎此若濇飲不除津液不致雖日用潤肺生津之劑烏能建止逆下氣之勩哉俗以半夏性燥不用殊失立方之旨

麻黃石膏湯

治上氣胸滿方

麻黃四兩 石膏

如雞子大

厚朴五兩

小麥一升

杏仁半升

右五味以水一斗先

煮小麥熟去麥下藥煮取三升去滓分三服

深師用此治久逆上氣喉中如水雞鳴欬者加半夏五味子各半升乾薑三兩

〔衍義〕此於麻杏甘石湯中除去甘草之緩中易入厚朴以泄滿小麥以助肺胃而資少陽生發之氣以其得春升之氣最先也

十棗湯

夫有支飲家欬煩胸中痛者不卒死至一百日一歲可與此方

大棗十枚

大戟

甘遂

芫花等

分

右大戟甘遂芫花搗爲末以水一升五合煮棗取八合去滓內藥末強者一錢七釐者半七頓服平旦

服而不下者平旦更加半匕下後自然補養

〔衍義〕

十棗湯方在傷寒門中治表已解裏未和痞滿脇痛在金匱中治懸飲內痛千金取治支飲欬煩胸

中久痛總取峻攻痰積以破宿積

欬而引脇下痛亦十棗湯主之

溫脾湯 治食飢而欬者方 甘草四兩大棗十枚 右二味咬咀以水五升煮取二升分三服若咽中痛而

聲鳴者加乾薑一兩

〔衍義〕肺胃虛寒則欬故用甘草溫散臟腑寒熱邪氣大棗安中養脾其建溫脾之功世本方下註治食飽而欬豈有食飽胃實而欬反用甘草大棗二味實之之理故力正之

百部根湯 治嗽不得臥兩眼突出方 百部根 生薑各一斤 細辛 甘草各三兩 貝母 白朮 五味子各三兩

桂心四兩 麻黃六兩 右九味咬咀以水一斗二升煮取三升去滓分三服 古今錄驗有杏仁四兩紫苑三兩

〔衍義〕嗽不得臥兩眼突出明是寒鬱熱邪為患故首取百部之溫散肺氣麻桂薑辛之開發肺邪貝母助

百部消寒朮甘助麻桂透表五味收麻辛之散也

海藻湯 治欬而下利胸中痞而短氣心中時悸四肢不欲動手足煩不欲食肩背痛時惡寒方 海藻四兩

半夏 五味子各半升 生薑一兩 細辛三兩 茯苓六兩 杏仁五十枚 右七味咬咀以水一斗煮取三升去滓分

三服日三 一方無五味子生薑

〔衍義〕欬而下利水飮溢於肺胃滲於大腸而見痞逆短氣心中時悸者心火惡水之象也四肢不欲動不

欲食者脾氣傷也背痛惡寒者陽氣失職不能榮於陽位也故用海藻之鹹順而泄留飲水氣杏仁下氣泄

滯茯苓辛薑滌除痰垢五味收斂肺氣也

白前湯 治水欬逆上氣身體浮腫短氣脹滿晝夜倚壁不得臥咽中作水雞鳴方 白前 紫菀 半夏

大戟各二兩 右四味咬咀以水一斗浸一宿明旦煮取三升分為三服

〔衍義〕欬逆上氣而見肢體浮腫作水雞聲乃水飲溢於肺胃流入百骸故用白前以疏肺氣紫菀以散血氣半夏以滌痰氣大戟以利水氣皆從金匱澤漆湯中採出大戟之利水與澤漆不殊

治九種氣嗽欲死百病方 乾薑 半夏 細辛 紫菀 薤花一作芫花 吳茱萸 茯苓 甘草 甘遂 防葵

人參 烏頭 大黃 杏仁各五分 葶藶二分 巴豆 厚朴 白薇各一分 遠志 菖蒲 五味子 前胡 枳

實 蜀椒 皂莢 當歸 大戟 桂心各半分 右二十八味為末蜜丸加梧子大先食服二丸日二服以

知為度不知增之

〔衍義〕氣嗽而兼九種百病之治故彙採寒熱補瀉氣血痰水及乎峻攻之味無一不具苟非龐雜之方亦

無以療龐雜之病

麻黃散 治上氣嗽方 麻黃半斤杏仁百枚甘草三兩桂心一兩 右四味治下篩別研杏仁如脂內藥末

和合氣上時服一方寸七食久氣未下更服一方寸七可至三七氣發便服即止 一方去桂心甘草

〔衍義〕上氣而嗽非開泄肺氣無以逞止逆之功故取傷寒麻黃湯溫散胸中之邪不必更加一味紊亂先



聖成則

蜀椒丸 治上氣欬嗽太醫令王叔和所撰御服甚良方 蜀椒五分烏頭 杏仁 石菖蒲 礬石一云礬石

荑各一分 款冬花 細辛 紫苑 乾薑各三分 麻黃 吳茱萸各四分 右十二味為末蜜丸如梧子大暮臥吞

二丸治二十年久嗽不過二十九

〔衍義〕辛溫破結之劑彙集一方以治積年冷氣頑痰可謂峻矣更需礬石之專攻腹中堅癖皂莢之去風

拔毒通關利竅何憚二十年久嗽不能克應乎

通氣丸 治久上氣欬嗽咽中腥臭虛氣覺心痛眼疼耳中嘈嘈風邪毒瘧時氣食不生肌肉胸中膈塞嘔逆

多唾惡心下堅滿飲多食少惡瘧淋痛病方 蜀椒二升飴糖三升杏仁 天門冬 乾薑 人參各四分

烏頭七分桂心六分大附子五枚 蜈蚣五節 右十味為末別治杏仁如脂稍稍內藥末搗干杵煖飴乃內

藥末中令調和含如半棗一枚日六七夜三四服以胸中溫為度若夢與鬼交通及飲食者全用蜈蚣食不

消加杏仁五合小腹急腰痛加天門冬杜仲有風加烏頭三枚附子一枚立夏後勿加也有停飲加葶藶三

兩

〔衍義〕金匱大建中湯專取蜀椒下氣止逆乾薑溫中破積人參補正除邪膠飴潤肺止嗽以治胸腹寒積

出見有頭足上下痛不可觸千金加烏附桂心以攻毒破結杏仁泄肺散滿蜈蚣截風解毒天門冬除欬逆

寒熱并化烏附椒薑之燥烈也

治欬逆上氣方 蜀椒 桂心 海蛤各四分 昆布 海藻 乾薑 細辛各六分 麥門冬十分 右八味為末蜜

丸如梧子大飲服十丸加至二十丸日三服有人風虛中冷胸中滿上氣喉中如吹管聲吸氣上欲欬服

此方得瘥

〔衍義〕欬逆日久不除必是寒痰膠積之故故用椒桂薑辛以蒐肺絡之寒邪海蛤昆藻以破肺竅之痰氣

用門冬者不特治欬并滋方中辛燥諸味詳喉中如吹管聲豈非病在肺竅之明驗乎

治欬嗽胸脅支滿多唾上氣方 礬石一作礬石不用 烏頭各一分 細辛 黃環各二分 杏仁 欬冬花 紫苑各

分 吳茱萸四分 乾薑五分 蜀椒五合 右十一味為末蜜丸如梧子大每服一丸著牙上嚙汁日五六服劇

者常含不止○又方 薑汁一升 砂糖五合 右二味煎薑汁減半內糖更煎服之○又方 白糖五分皂

莢亦一方 右二味先微暖糖令消內皂莢末合和相得丸如小豆先食服三丸○又方 酒一升半浸肥

皂莢兩挺經宿煮取半升分三服七日忌如藥法若吐多以酢飯三四口止之○又方 巴豆炮去皮勿傷

破肉白飲吞下初日二枚二日三枚○又方 服芥子七丸以油酒下之

〔衍義〕欬逆胸脇支滿濁痰委積清道也上氣多唾寒飲溢於膈上也方中礬石治堅癖邪氣烏頭散風寒

濕痺心腹冷痛菖蒲細辛溫利九竅黃環治欬逆寒熱杏仁欬冬紫苑並主欬逆上氣乾薑蜀椒茱萸並泄

胸中逆滿以溫欬逆多唾也 又方 薑汁辛散溫肺砂糖甘緩和脾火衰痰清者為宜 又方 皂莢滌

除痰垢飴糖緩其暴烈 又方 酒浸肥皂取吐較飴丸者尤甚 又方 以巴豆炮黑勿破碎服者恐其

毒烈傷犯喉吻也此惟冷積年久嗽不止者宜之 又方 服芥子入肺搜痰即控涎丹之意

射干煎 治欬嗽上氣方 生射干 欬冬花各二兩 紫苑 細辛 桑白皮 附子 甘草各半兩 白蜜 竹瀝

生薑汁各一升一云乾薑五兩 飴糖三兩 右十一味先以射干內白蜜竹瀝中煮五六沸去之咬咀六物以水一升

合浸一宿煎七上七下去滓乃合飴糖薑汁煎如餠服如酸棗一丸日三劑者夜二不止加以止為度

〔衍義〕欬嗽上氣有腎寒肺熱之分此治腎虛火乘於肺故用附子攝腎歸源細辛下通腎氣射干上散肺

結欬冬花紫苑滋燥潤肺薑汁開發桑皮竹瀝之性流動膠飴白蜜之滯也

杏仁煎 治冷嗽上氣鼻中不利方 杏仁五合 五味子 欬冬花各三合 紫苑 乾薑各二兩 桂心三兩 甘草四

兩 麻黃一斤 右八味以水一斗煮麻黃取四升治諸藥為末又內膠飴半斤白蜜一斤合內汁中攪令相

得煎如飴先食服如半棗許日三服不知者加之以知為度

〔衍義〕肺氣通於鼻肺為客邪所遏以故鼻息不通喘嗽痰清非麻黃湯不能開發肺氣加乾薑以溫腎氣

欬冬紫苑以溫肺經五味以收麻杏之散耳

又方 治忽暴嗽失聲語不出方 杏仁 薑汁 砂糖 蜜各一兩 紫苑 五味子各三兩 通草 貝母各四兩 桑

皮五兩 右九味咬咀以水九升煮取三升去滓內杏仁脂薑汁蜜糖和攪微火煎取四升初服三合日再後稍加之

〔衍義〕肺爲諸氣之門戶暴嗽失音必有寒飲阻積肺絡故用杏仁疎洩肺滿通草通達肺氣薑汁開通經絡桑皮瀉肺之熱五味收肺之津得薑汁之辛散杏仁之開泄可無斂閉邪風之患紫苑通肺經之血貝母消肺鬱之痰沙糖理胃中之滯蜂蜜滋膈上之燥也

通聲膏方

五味子

欬冬花

通草

各三人參

青竹皮

細辛

桂心

菖蒲

各二兩

杏仁

薑汁各一升

蜜二升棗膏三升酥五升

右十三味咬咀以水五升微火煎三上三下去滓內薑汁棗膏酥蜜煎令調和

酒服棗大二枚

〔衍義〕肺臟方中酥蜜膏專滋脾胃之燥以化其氣此方專滋脾肺之津以通其聲方中五味人參滋肺之氣欬冬竹茹清肺之燥桂心細辛搜肺之邪通草菖蒲利肺之竅杏仁酥蜜薑汁棗膏滋培津氣而通其聲大腸主津故以此方隸之此門

杏仁飲子

治暴熱嗽方

杏仁

洎十枚

紫蘇子

一升橘皮

一兩柴胡

四兩

右四味咬咀以水一斗煮取三升

分三服

〔衍義〕嗽起於暴是實非虛杏仁蘇子橘皮皆泄肺之品柴胡散寒熱之邪

蘇子煎 治上氣咳嗽方 蘇子 杏仁 生薑汁 地黃汁 白蜜各二升 右五味搗蘇子以薑汁地黃汁

澆之以絹絞取汁更搗以汁澆又絞令味盡去滓熬杏仁令黃黑治如脂又以向汁澆之絹絞往來六七度

令味盡去滓內蜜合和置銅器中於湯上煎之令如飴每服方寸七日崔氏無地黃汁○又方 乾薑末五

兩膠飴一斤 右二味和令調蒸五升米下冷以聚大含化稍稍咽之日五夜二

〔衍義〕欬嗽日久而客邪未除蘊化為熱故用薑汁散邪地黃滋熱且製入蘇子順氣味中更以杏仁熬黑

如大陷胸丸中法專滌胸中宿垢內蜜熬煎如飴緩行搜逐而無驟傷中氣之患如或病人肥盛素多痰濕

者宜從崔氏去地黃例 又方單用乾薑之辛散肺胃之寒膠飴緩其辛燥頻令噙化與上方藥品雖變而

功則一揆

芫花煎 治新久嗽方 芫花 乾薑各二兩 白蜜二升 右二味為末內蜜中令相和微火煎令如糜每服如

棗核大一枚日三夜一以知為度欲利者多服深師以治冷飲嗽又治三十年久嗽者以水五升煮芫花取三升去滓內薑加蜜合煮如糜服之

〔衍義〕以芫花走而不守之味製入乾薑守而不走味中使邪氣去而正氣守內入蜜中以和走守之性

欬冬煎 治同前 欬冬花 乾薑 紫苑各三兩 五味子二兩 芫花一兩熬令赤 右五味咀咀以水一斗煮三味

取三升半去滓內芫花乾薑末加蜜三升合投湯中令調於銅器中微火煎令如飴每服半棗許日三

〔衍義〕於芫花煎中加欬冬紫苑以緩芫花乾薑之烈五味以收耗散之津藥品雖倍而功反稍遜於前

治三十年欬嗽或喘或欬欬雖不同悉主之方 細辛 欬冬花 防風 紫苑各三兩 藜蘆 二兩 蜀椒 五合

右六味咬咀取藜蘆先著銅器中次紫苑次細辛次欬冬次椒以大棗百枚間著諸藥間以水一斗二升微火煮令汁盡出棗曝令燥雞鳴時服半棗不知明旦服一枚以胸中溫溫為度若強人欲嗽吐者可小增服之便吐膿囊裹結吐後勿令飲食欬愈止藥勢靜乃食不爾令人吐不已

〔衍義〕方中細辛欬冬防風紫苑蜀椒等味助藜蘆湧吐之性製入大棗之中蒐逐腸胃積垢峻藥緩攻之妙無以逾之

治三十年久嗽方 百部根二十斤搗取汁煎如飴服一方寸七日三服外臺和錫一斤熬成煎以溫粥飲調下深師方以白蜜二斤更煎五六沸

服二合

〔衍義〕久嗽諸藥不應寸白蟲生肺中故用百部專力殺蟲匹馬單刀不假他味佐使外臺之飴深師之蜜不過借甘溫之味引入蟲口近世師家治久嗽方不問有蟲無蟲槩用此味每致苦寒傷伐胃氣而致天札者不少是豈先哲立方之過歟

又方 紫苑 二兩 欬冬花 三兩 右二味治下篩先食飲服方寸七日三服七日瘥

〔衍義〕此方無問暴嗽久嗽虛嗽實嗽有痰無痰有血無血俱無妨礙但客邪勢甚者無益於治也

又方 白蜜 一斤 生薑 二斤 取汁 右二味先秤銅銚筋兩訖內蜜復秤知數次內薑汁以微火煎令薑汁盡惟有

蜜斤兩乃止且服如棗大含一丸日三服禁一切雜食

〔衍義〕蜜取甘潤薑取辛散辛甘合劑專破痰結但火逆咽痛非其所宜

治久嗽不瘥方 兔屎四十枚礪砂二分胡桐津一分 右三味為末蜜丸如梧子大每服三丸以粥飲下日三

服吐令物盡即瘥

〔衍義〕兔屎為目科消翳要藥故千金取治肺中宿滯得礪砂之攻堅破積梧桐津之搜滌痰垢為形濁氣穢久嗽之峻藥但梧桐津世鮮收取乃桐花開時飄忽沾衣汚不可滌者是專取濁惡之物以攻濁惡之垢也吾觀閩人用桐皮漬水沐髮則不染塵垢用皮代津未為不可礪砂善爛金銀礪砂能柔五金無礪砂之毒劣以之代用亦無不可

紫苑丸 治積年欬嗽喉中呀聲一發不得坐臥方 紫苑 貝母 半夏 桑白皮 百部 射干 五味

子各五分 皂莢 乾薑 欬冬花 細辛 橘皮 鬼督郵各四分 白石英 杏仁各八分 蜈蚣二枚 右十六味

為末蜜和丸如梧子大飲服十丸日再服稍加至二十丸 崔氏無半夏射干乾薑橘皮鬼督郵細辛白石英有麻黃二兩芫根白皮一兩半以煮棗湯送下

〔衍義〕久嗽積年不愈必有宿垢留伏於中呀聲一發則伏火內動所以坐臥不安故用皂莢射干督郵之

屬辟除惡毒兼石英薑辛助祛邪紫苑欬冬等味助供佐使之用耳

欬冬丸 治三十年上氣欬嗽唾膿血喘息不得臥方 欬冬花 乾薑 蜀椒 吳茱萸 桂心 菖蒲

人參 細辛 薤花各五分 紫苑 甘草 桔梗 防風 芫花 茯苓 皂莢各三分 右十六味為末蜜丸

如梧子大酒服三九日三

〔衍義〕前方專辟痰垢此方兼散滯血滯血未有不兼痰垢者所以仍用皂莢滌垢蠶辛破結更須薤花利水桂心散滯人參茯苓甘草扶助胃氣以振祛邪之力餘皆疎風治嗽之常味也

又方 欬冬花 紫苑 細辛 蜀椒 桂心 菖蒲 人參 甘草 防風 石斛 芎藭 當歸 藁木

白朮 半夏 天雄 鍾乳 麻黃各三兩 獨活 二兩 烏頭 附子 芫花各一兩 桃仁二十枚 大棗二十枚 右二

十四味為末蜜丸如梧子大酒服二十丸日二服不知加之酒漬服亦得

〔衍義〕此以麻黃附子細辛湯破除陰邪為主而兼白朮鍾乳雄烏半夏芫花甘草激諸味振發辛烈之性加以散血祛風破結利竅更濟以人參大力無堅不克但當諒其人元氣能任與否庶幾無誤治之失

又方 欬冬花 紫苑 乾薑 桂心各三分 細辛二分 杏仁 皂莢 礬石 菖蒲 烏頭各一分 川椒五合 吳

茱萸六合 右十二味為末蜜丸如梧子大酒服五丸日三夜一二十年嗽不過五十日愈患欬喉鳴上

氣服一劑永瘥

〔衍義〕礬石治腹中堅癖之峻藥兼用皂莢滌除痰垢濟以烏椒薑辛桂萸菖杏辛烈利竅等味得欬冬紫苑引入肺經共襄迅掃之功自紫苑丸至此四方首主宿垢次兼滯血三破陰邪此攻堅癖皆蕩練臟腑之



劑不可與尋常治嗽等論也

治肺傷欬唾膿血腸澀背痛不能食惡風目暗眩眊足脛寒冷方

白膠

生薑各五兩

桂心

人參

紫菀各二

兩地黃切半升

桑白皮切一升

川芎

大麻仁

飴糖各一升

大麥三升

大棗二十枚

右十二味咬咀以水一斗五

升煮麥取一斗去麥內藥煮取三升分五服

〔衍義〕白膠乃楓香脂其性疎通善於開發肺氣故取以治欬唾膿血川芎地黃得桂心和榮之力紫菀散

結之功可無委積頓湧之虞且人參助氣於上麻仁滋化於下桑皮瀉肺氣之滿大麥降肝氣之逆大棗飴

糖滋腸胃之津氣也

五味子湯

治唾中有膿血牽胸脇痛方

五味子

桔梗

紫菀

甘草

川斷各二兩

桑皮

地黃各五兩

竹

茹三兩赤小豆一升

右九味咬咀以水九升煮取一升七分三服

〔衍義〕此火乘於肺所以唾中有膿血而胸脇牽痛乃血不榮筋之故用五味紫菀滋培津血桔梗桑皮疎

泄肺氣竹茹小豆清膈上火生地逐傷中血川斷通行經絡甘草平調中氣不獨為火乘肺氣之專藥并可

為熱傷肺痿之神丹

竹皮湯

治欬逆下血不息方

生竹皮

二兩紫菀

二兩飴糖

一斤生地

切一升

右四味咬咀以水六升煮取

三升去滓分三服

〔衍義〕欬逆下血而用竹茹清胃紫菀和血飴糖滋津地黃逐血然必不經火焙之鮮者方有散血之功若止血之用必明標乾地黃矣設無鮮者不妨以乾者酒浸或稍加桂心熟因熱用要在臨時權變可也

百部丸 治諸嗽不得氣息唾膿血方 百部根二兩升麻半兩桂心五味子甘草乾薑紫菀各一兩

右七味爲末蜜丸如梧子大每服三丸日三以知爲度

〔衍義〕嗽不得息明明是火逆爲患故用百部導之於下升麻散之於上薑桂之辛以散火五味之酸以斂津紫菀甘草既能治嗽并可和血

治上氣欬嗽喘息喉中有物唾血方 生薑汁 杏仁各二升 猪膏二合蜜 飴糖各一升 右五味先以猪膏煎

杏仁色黃出之以紙拭令盡搗如膏合薑汁糖蜜等合煎令可丸每服如杏核大一枚日夜六七服漸漸增加之

〔衍義〕喉中氣結似乎有物故薑汁杏仁開發肺氣飴糖蜂蜜猪脂并滋津血然惟大便實者爲宜

治一切肺病欬嗽膿血及唾血不止方 好酥三十斤三遍煉停取凝當出醍醐一合日三服瘥止一切藥皆不出此神方○又方 三煉酥如雞子黃適寒溫灌鼻中日二夜一

〔衍義〕肺欬而用醍醐以滋津血之燥乃治無痰乾欬之的方 一法用乳酥烱化灌鼻孔以鼻爲肺竅也

鍾乳七星散一名吸散 治寒冷欬嗽上氣胸滿唾膿血方 鍾乳 礬石 欬冬花 桂心等分 右四味治下

篩作如大豆七聚七星形以小筒吸取酒送下先食服日三不止加之數試大驗又云臨臥吸服之○又方  
鍾乳 細辛 欬冬花 天雄 紫苑 石膏等分 右六味治下篩取如大豆七聚如前法吸之日二只  
得食粥七日嗽愈乃止若大豆聚不知少益之勿太多

七星散

治三十年欬嗽方

欬冬花

紫苑

桑白皮

代赭

細辛

伏龍肝

各一兩

右六味治下篩作

七星聚如穉豆者以竹筒口當藥上一一吸咽之令藥入腹中先食日三丸凡服四日日復作七星聚以一  
鬱肉炙令熟以展轉藥聚上令藥悉徧肉上仰臥咀嚼細細咽汁令藥力歆歆割割然毒氣入咽中藥力盡  
總咽却取瘥止

〔衍義〕七星之名聚其聚形以示靈驗之意方用鍾乳溫肺為主礬石滌痰欬冬下氣桂心散結利關節也  
又方除去礬石桂心易入石膏佐鍾乳爲去熱之嚮導天雄烈勝桂心佐鍾乳以破結積之氣紫苑佐欬冬  
以通肺氣細辛專利關竅也又以代赭之重以鎮逆氣佐伏龍肝之暖以散滯血其餘欬冬紫苑桑皮細辛  
雖治嗽常品專藉血肉同氣之物以爲內應猶不用豕肉者以其能助痰內動風氣且又七星所禁也

治嗽靈法

以熟艾薄薄布紙上紙廣四寸後以薰黃末薄布艾上務令調勻以荻一枚如紙長捲之作十枚

先以火燒纏下去荻煙從孔出口吸煙咽之取吐止明旦復熏之如前日一二止自然可瘥得食白粥餘皆  
忌○又方 薰黃一兩研令細以蠟紙并上薰黃相入調勻捲之如前法熏之亦如上法日一二止以吐爲

度七日將息後以羊肉羹補之○又方 藍青布廣四寸上布艾艾上布青礬末礬上布少薰黃末又布少鹽又布少鼓末急捲之燒令著內燥罈中以紙蒙頭便作一小孔取吸煙細細咽之以吐為度若心胸悶時略歇煙盡止日一二度用三捲不盡瘥三七日慎油膩

〔衍義〕三法總為頑痰固結藥所不應者設若有沉寒則兼熟艾有毒熱則兼蜂蜜有積垢則兼青礬及鹽豉等味咸取薰黃取吐以辟歹毒惡氣也

論曰凡上氣多有服吐藥得瘥者亦有鍼灸得除者宜深體悟之

### 灸法

嗽灸兩乳下黑白際各百壯卽瘥 又以蒲當乳頭周圍身令前後正平當脊骨解中灸十壯 又以繩橫

量口中折繩從脊灸繩兩頭邊各八十壯三報三日畢兩邊者是口合度 灸從大椎數下行第五節下六節

上穴在中間即神道穴隨年壯并主上氣灸手屈臂中橫文外骨撿頭得痛處十四壯 上氣欬嗽短氣氣滿食不

下灸肺募五十壯 上氣欬逆短氣風勞百病灸肩井二百壯 上氣短氣欬逆胸背痛灸風門熱府百壯

上氣欬逆胸滿短氣牽背痛灸巨闕期門各五十壯 上氣胸滿欬逆短氣灸雲門五十壯 上氣欬逆胸痹

背痛灸胸膛百壯不鍼 上氣欬逆短氣灸臆中五十壯 上氣氣閉欬逆咽冷聲破喉猜灸天瞿五十壯一名

天突 逆氣虛勞寒損愛恚筋骨攣痛心中欬逆泄疰腹滿喉痹頸項強腸痔痔血陰急鼻衄骨痛大小便澀鼻

中乾煩滿狂走易氣凡二十病皆灸絕骨五十壯穴在內踝二三寸宛宛中

痰飲第六 論一首 灸法一首 方四十首

論曰夫飲有四何謂師曰有痰飲有懸飲有溢飲有支飲問曰四飲之證何以爲異師曰其人素盛今瘦水走腸間漉漉有聲謂之痰飲飲後水流在脇下欬唾引痛謂之懸飲飲水過多水行歸於四肢當汗出而汗不出身體疼重謂之溢飲其人欬逆倚息短氣不得臥其形如腫謂之支飲 凡心下有水者築築而悸短氣而恐其人眩而癩先寒卽爲虛先熱卽爲實故水在於心其人心下堅築築短氣惡水而不欲飲水在於肺其人吐涎沫欲飲水水在於脾其人少氣身體盡重水在於肝脇下支滿噎而痛水在於腎心下悸 夫病人卒飲水多必暴喘滿凡食少飲多水停心下甚者則悸微者短氣脈雙弦者寒也皆大下後喜虛耳脈偏弦者飲也肺飲不弦但喜喘短氣支飲亦喘而不能眠加短氣其脈平也留飲形不發作無熱脈微煩滿不能食脈沉滑者留飲病病有留飲者脇下痛引缺盆嗽轉甚其人欬而不得臥引項上痛欬者如小兒擊癢狀夫胸中有留飲其人短氣而渴四肢歷節痛其脈沉者有留飲也心下有留飲其人背寒冷大如手病人肩息上引此皆有溢飲在胸中久者缺盆滿馬刀腫有劇時此爲氣飲所致也膈上之病滿喘欬吐發則寒熱背痛惡寒目泣自出其人振振身潤劇必有伏飲病人一臂不隨時復轉移在一臂其脈沉細此非風也必有飲在上焦其脈虛者爲微勞榮衛氣不周故也冬自瘥 一本作久 久自瘥 病痰飲者當用溫藥和之

小半夏湯 病心腹虛冷遊痰氣上胸脇滿不下食嘔逆者方 半夏一升生薑一斤橘皮四兩 右三味咬

咀以水一斗煮取三兩分三服 若心中急及心痛內桂心四兩 若腹滿痛內當歸三兩羸弱及老人尤

宜服之 一方用人參二兩

仲景無橘皮人參

〔衍義〕金匱小半夏湯治支飲不渴更合嘔吐噦中橘皮湯專取辛溫散結之味以治心腹虛冷等證總以溫理中氣為主若心中急痛寒熱糾結加桂心以散之血虛不能以統血脹滿腹痛加當歸以和之羸弱不能自主則加人參以補之此金匱法外法也

又方 半夏一升生薑一斤桂心三兩甘草一兩 右四味咬咀以水七升煮取二升半分三服

〔衍義〕小半夏湯金匱本方只薑半二味今加桂心之散兼甘草之緩即苓桂朮甘湯之變法

甘草湯 治心下痰飲胸脇支滿目眩方 甘草二兩桂心 白朮各二兩茯苓四兩 右四味咬咀以水六升

宿漬煮取三升去滓服一升日三小便當利

〔衍義〕金匱本名苓桂朮甘湯此名甘草湯傷寒門中又名茯苓湯衍義見前十一卷中茯苓湯下

十棗湯 治病懸飲者若下後不可與也凡上氣汗出而欬者此懸飲也

方見本卷效嗽篇中

小青龍湯 病溢飲者當發其汗范汪用大青龍湯

方見本卷咳嗽篇中

木防己湯 治膈間有支飲其人喘滿心下痞堅面色黧黑其脈沉緊得之數十日醫吐下之不愈者用此方

木防己三兩桂心二兩人參四兩石膏雞子大十二枚

雞子大十二枚

右四味咬咀以水六升煮取二升分二服虛者卽愈實者

三日復發發則復與若不愈去石膏加茯苓四兩芒硝三合微下利卽愈 一方不加茯苓

〔衍義〕趙以德註金匱方曰支飲在膈間氣血皆不通利氣不利則與水同逆於肺而發喘滿血不利則與水雜揉結於心下而爲痞堅腎氣上應水飲腎水之色黑血凝之色亦黑故薰之色見於面也脈沉爲水緊爲寒非別有寒邪卽水氣之寒也醫雖以吐下之法治然藥不切於病故不愈用木防己以散留飲結氣石膏主心肺逆氣人參助胃祛水桂心和榮閉結且支飲得溫則行若邪客之淺在氣分多而虛者服之卽愈若邪客之深在血分多而實者則愈後必再發以石膏爲氣分之藥故去之芒硝爲血分藥能治痰與堅茯苓伐腎利水而爲芒硝之佐故加之

厚朴大黃湯

夫酒客飲者必致吐血此坐久飲過度所致其脈虛者必胸滿胸中有支飲此方主之

厚朴

一尺大黃六兩枳實四兩

右三味咬咀以水五升煮取二升溫服分二服

〔衍義〕

此卽小承氣湯以大黃多遂名厚朴大黃湯若厚朴多卽名厚朴三物湯此支飲胸滿必緣其人素

多濕熱濁飲上逆所致故用蕩滌中焦藥治之

支飲不得息葶藶大棗瀉肺湯治之

方見十七卷肺癰篇中

嘔家不渴渴爲欲解今反不渴心下有支飲故也小半夏湯主之又有先渴卽嘔者此爲水停心下小半夏加

茯苓湯主之

小半夏加茯苓湯 治卒嘔吐心下痞膈間有水目眩悸方 半夏一升生薑半斤茯苓三兩 右三味咬咀

以水七升煮取一升五合去滓溫分再服 胡洽不用茯苓用桂心四兩

〔衍義〕嘔家有痰嘔盡痰去而渴者為欲解與傷寒之服小青龍湯已渴者寒去欲解同義今反不渴是積

飲尚留去之未盡故用半夏散結勝濕生薑散氣止嘔千金更加茯苓佐之與治卒嘔吐心下痞膈間有水

眩悸同法

五苓散 假令瘦人臍下有悸者吐涎沫而顛眩水也此方主之 方見前九卷傷寒上

椒目丸 治腹滿口乾燥此腸間有水氣此方主之 椒目 木防己 大黃 各一兩 葶藶二兩 右四味為末

蜜丸如梧子大先食飲服一丸日三後稍增口中有津液止渴者加芒硝半兩

〔衍義〕金匱名己椒黃蘗黃丸水積腸間則肺氣不宣膈鬱成熱而腹滿津液不主行而口舌乾燥用木防

己椒目葶藶利水散結而葶藶尤能利腸然腸胃所受水穀之氣邪實腹滿非輕劑所能治必加大黃以瀉

之若口中有津液則水去津回可勿藥矣若仍作渴者此痰飲聚於血分必加芒硝以祛逐之

甘遂半夏湯 病者脈伏其人欲自利者反快雖利心下續堅滿此為留飲欲去故也此方主之 甘遂 大者

三枚半夏十二枚以水三升煮取半升 芍藥三枚甘草一枚如指大以水一升煮取半升 右四味以蜜半升內二藥汁合一升半煎取八合

頓服之



〔衍義〕留飲堵塞斃隊胃氣不得轉輸故脈伏不顯若留飲既下胃氣受傷必欲自利自利而反快者中焦所塞暫通也通而復積故續堅滿必更用藥盡逐之然欲直達其積飲莫若甘遂快利用之爲君欲和脾胃除心下堅又必以半夏佐之然芍藥停濕何留飲用之甘草與甘遂相反何一方並用蓋甘草緩甘遂之性使不急逐徘徊逐其所留芍藥木鬱土中成堅滿又佐半夏以和胃消堅也

大茯苓湯

主胸中結痰飲澀臍下弦滿嘔逆不得食亦主風水方 茯苓 白朮各三兩 半夏 桂心 細辛

一作生薑各四兩 橘皮 附子 當歸各二兩 右九味㕮咀以水一斗煮取三升去滓分三服服三劑良

〔衍義〕水飲結於臍下雖有桂苓不得生附不能破除陰分之水癖雖有半夏不得生朮不能祛滌胸中之

痰氣橘皮者茯苓之佐細辛者附子之佐當歸者桂心之佐也

茯苓湯

治胸膈痰滿 茯苓四兩 半夏 升生薑 斤桂心八兩 右四味㕮咀以水八升煮取二升半

夕四服冷極者加大附子四兩若氣滿者加檳榔三七枚

〔衍義〕痰氣聚於胸中故用小半夏加茯苓湯不得桂心之辛散難以暹破的之功冷極加附子是指真陽虛者而言氣滿加檳榔是指痰氣盛者而言非謂二味可以並入一方也 胃膈嘔吐門中名半夏湯藥味雖同而分兩不類故兩存之

大半夏湯 治冷痰飲澀胸膈中氣不運方 半夏一升白朮三兩茯苓 人參 甘草 桂心 附子各二兩

生薑八兩 右八味咬咀以水八升煮取三升分三服

〔衍義〕金匱大半夏湯但用半夏人參甘草三味水蜜和煎以治胃反嘔吐此用參附朮附桂附合苓桂朮  
甘湯仍用金匱三味以治冷痰飲癖故不用水蜜和煎而生薑以滌痰氣也

半夏湯 治痰飲癖氣吞酸方 半夏 吳茱萸各三兩 生薑六兩 附子一枚 右四味以水五升煮取二升半

分三服老少各半日三

〔衍義〕前方以中氣不運冷痰留積故用參朮佐半夏附子此以曲直作酸故用吳萸通達肝氣以佐半夏  
附子仍用生薑開豁痰癖也

乾棗湯 治腫及支滿癖飲方 大棗十枚 大戟 大黃 甘草 甘遂各二兩 黃芩二兩 芫花各半兩

右八味咬咀以水五升煮取一升六合分四服空心服以快下為度

〔衍義〕此即十棗湯加用甘草之相反激發大戟芫花逐飲之性更加芫花以佐芫花之破積大黃黃芩以  
佐大戟而攻懸飲堅癖也

當歸湯 治留飲宿食不消腹中積聚轉下方 當歸 人參 桂心 黃芩 芍藥 甘草 芒硝各二兩 大

黃四兩 澤瀉 生薑各三兩 右十味咬咀以水一斗煮取三升分三服

〔衍義〕中氣式微不能輸運而致癖積留著水道不利故用參甘歸芍平調血氣硝黃薑桂攻理痰積黃芩

澤瀉分利支河水道而通蘊阻之熱也

治痰飲飲食不消乾嘔方 人參 旋覆花 橘皮 細辛各兩 澤瀉 白朮 杏仁 枳實各二兩 茯苓 半

夏 生薑 柴胡 芍藥各三兩 右十三味咬咀以水九升煮取二升七分合分三服日一

〔衍義〕痰氣阻逆於中非開提於上不能開痰進食降濁升清故用旋覆花杏仁疎泄肺氣半夏枳實開豁

痰氣人參白朮健運中氣柴胡芍藥調和肝氣細辛橘皮開發滯氣茯苓澤瀉通調水氣使肺氣降而胃氣升肝氣平而穀氣運濁氣散而正氣安矣

治胸中痰飲腸中水鳴食不消嘔吐水方 檳榔十二枚 生薑 杏仁 柑皮各四兩 半夏 八兩 茯苓 五兩 橘皮 三

兩 右七味咬咀以水一斗煮取三升去滓分三服

〔衍義〕杏仁開拓胸中之氣薑半消豁膈上之痰檳榔茯苓泄利腸中之水柑橘二皮一寒一溫升降上下

諸氣此惟病氣未固元氣未瀉者宜之

吳茱萸湯 治胸中積冷心嘈煩滿汪洋不下飲食心胸應背痛方 吳茱萸 三兩 半夏 四兩 人參 桂心各二兩

甘草 一兩 生薑 五兩 大棗 二十枚 右七味咬咀以水九升煮三升去滓分三服日三

〔衍義〕本氣虛寒之人胸中寒熱飲滯積所以汪洋飲食艱於消剋蘊積而從火化所以嘈煩榮氣不能充

於陽位所以背痛故用萸桂通陽薑半滌飲人參甘草扶胃進食大棗運行脾津乃大小半夏湯之發源也

治胸膈心腹中痰水冷氣心下汪洋嘈煩或水鳴多唾口中清水自出脇肋急脹痛不能飲食此皆胃氣弱受冷故也其脈來沉弦細遲悉主之方 半夏 生薑各五兩 芍藥三兩 茯苓四兩 旋復花 細辛 橘皮 桂

心 人參 甘草 桔梗各二兩 右十一味咬咀以水一斗煮取三升分三服病先有時水下者用白朮三

兩去旋復若欲得利者加大黃二兩須微調者用乾地黄

〔衍義〕此亦大小半夏之發源彼以胸痛引背故用吳萸此以脇肋急脹痛故用桂心又以口出清水故用旋復細辛橘皮桔梗治冷涎泛芍藥佐桂心以治脇急茯苓佐人參以扶胃弱

治冷熱久滯實不能飲食心下虛滿如水狀方 前胡 半夏 茯苓 生薑各四兩 枳實 白朮 甘草各三兩

桂心二兩 右八味咬咀以水八升煮取三升分三服

〔衍義〕苓桂朮甘湯滌除痰飲之專藥更合之以小半夏湯茯苓湯枳朮湯但加前胡以下氣也

前胡湯 治胸中久寒滯實膈塞胸痛氣不通利三焦冷熱不調飲食減少無味或寒熱身重臥不欲起方

前胡 人參 當歸 半夏 甘草各二兩 大黃 防風 麥冬 吳萸 黃芩各一兩 生薑四兩 杏仁四十枚

右十二味咬咀以水一斗煮取三升去滓分三服深師方云若脇下滿加大棗十二枚此利水亦佳

〔衍義〕胸膈墨痛良由冷熱不調故方中寒熱兼濟補瀉互投而加下氣滌痰之味

旋復花湯 治胸膈痰結唾如膠不下食者方 旋復花 細辛 前胡 茯苓 甘草各一兩 生薑八兩 桂心

千金要方 卷十六  
四兩半夏一升烏頭五枚 右九味咬咀以水九升煮取三升去滓分三服

〔衍義〕此以小半夏加茯苓湯滌痰劑中加旋復前胡烏頭桂心細辛甘草以祛風毒然惟上熱咽乾下元虛冷者爲之合劑若熱邪固結誤投禍不旋踵不可不慎

薑椒湯 治胸中積聚痰飲食減少胃氣不足欬逆嘔吐方 薑汁七合川椒三合桂心 附子 甘草各

兩橘皮 桔梗 茯苓各二兩半夏三兩 右九味咬咀以水九升煮取二升半去滓內薑汁煮取二升分三

服服三劑止若欲服大散諸五石丸必先服此湯及進黃芪丸佳 一方不用甘草

〔衍義〕川椒桂附入於二陳湯中但加桔梗舟楫之劑載諸藥以破胸中冷積寒痰也

薑附湯 治痰冷滯氣嘔沫胸滿短氣頭痛飲食不消化方 生薑八兩附子四兩生用破 右二味咬咀以水八

升煮取二升分四服亦主卒風

〔衍義〕於前方中但取薑汁附子二味辟冷癖較之前方其力倍專乃乾薑附子湯之變法彼取溫中故用乾薑此取滌痰故用薑汁兩不移易之定法

擦膈散 治心上結痰飲實寒冷心悶方 瓜蒂二十枚赤小豆二十七枚 人參 甘草各一分 右四味治下篩爲末

酒服方寸匕日二亦治諸黃

〔衍義〕擦膈者擦動膈上痰飲使之上涌也方用人參甘草入於瓜蒂散中使人參助其上涌之力一舉而

傾囊盡出也

斷膈湯 治胸中痰癖方 恆山 甘草 松蘿各一兩 瓜蒂二十枚 右四味咬咀以水酒各一斗半煮取一升

半分三服後漸減之得快吐後須服半夏方見本卷前篇

〔衍義〕斷膈者斷除膈上痰癖也瓜蒂吐膈中寒實加以恆山涌膈上稠痰松蘿乃松上女蘿氣清味苦能

吐肝膽風痰與赤小豆之涌吐心包熱痰似同而異吐後服半夏湯以實中土緣恆山瓜蒂皆傷伐胃氣也

松蘿湯 治胸中痰積熱皆除方 松蘿二兩烏梅 梔子各十枚 恆山 甘草各三兩 右五味咬咀以酒三升

浸一宿平旦以水三升煮取一升半去滓頓服之亦可分二服一服得快吐即止

〔衍義〕松蘿湯中不用瓜蒂而用梔子以吐肺胃熱痰即用烏梅以收斂津液與吐後用半夏湯一意

杜蘅湯 治吐百病方 杜蘅 松蘿各三兩 瓜蒂二十七枚 右三味咬咀以水一升二合漬二宿去滓分二服若

一服即吐者止未吐者更服相去如人行十里久令藥力盡服稀糜一升即定老小用之亦佳

〔衍義〕杜蘅下氣消痰以其氣濁故用以助瓜蒂松蘿之涌吐

蜜煎 治寒熱方 蜜五合恆山 甘草各二兩一方用半兩 右三味取二味咬咀以水一斗煮取二升去滓內蜜溫

服七合吐即止不吐更服七合勿與冷水○又方 蜜六合醋八合 右二味調和平旦頓服須臾猥猥然

欲吐摘之若意中不盡明旦更服無不大嘔安穩

〔衍義〕蜜煎恆山兼甘草之甘緩與蜜同爲戀膈之品專取緩搜膈上之痰也 又方以蜜醋多服須臾兀欲吐乘勢以指摘吐之以無瓜蒂恆山等傷胃之藥故云安穩

治卒頭痛如破非中冷又非中風其痛是胸膈中痰厥氣上衝所致名爲厥頭痛吐之即瘥方 單煮茗作飲

二三升許適冷飲二升須臾摘令吐吐畢又飲如此數過劇者須吐膽汁乃止不損人而渴則瘥

〔衍義〕茗味苦能達清淨之腑多飲數吐則嘔膽汁亦不損人

葱白湯 治冷熱膈發時頭痛悶亂欲吐不得者方 葱白二七莖 桃葉一握一作枇杷葉 珍珠 恆山 烏頭 甘草

草各半兩 右六味咬咀以酒水各四升和煮取三升去滓內珠末每服一升吐即止

〔衍義〕葱白烏頭能吐風痰然須恆山佐之甘草和之葱白桃葉引之珍珠取以安神解毒此爲安榮人安心而用也自療膈散至此八方總皆一系變法

大五飲丸 主五種飲一曰留飲水停在心下二曰澀飲水澀在兩脇下三曰痰飲水在胃中四曰溢飲水溢

在膈上五臟間五曰流飲水在腸間動搖有聲夫五飲者由飲酒後及傷寒飲冷水過多所致方 茯苓

遠志 苦參 藜蘆 烏賊骨 白朮 甘遂 大黃 石膏 桔槩根 桔槩 半夏 紫菀 前胡

五味子 芒硝 桂心 芫花 大戟 葶藶 黃芩 貝母 人參 茯苓 當歸各三兩 甘草

恆山 山藥 厚朴 細辛 附子各三分 巴豆三十枚 右三十三味治下篩蜜和丸如梧子大飲服三九日

三稍稍加之以知爲度

〔衍義〕金匱有四飲之名千金有五飲之治其法則一師曰其人素盛今瘦水走腸間漑漑有聲謂之痰飲飲後水流在脇下欬唾引痛謂之懸飲千金謂之澼飲三曰飲水流行歸於四肢當汗出而不汗出身體疼重謂之溢飲四曰欬逆倚息短氣不得臥其形如腫謂之支飲千金謂之流飲四飲之外又有留飲留飲伏在心下則背惡寒留於脇下則痛引缺盆平時則短氣而渴四肢歷節痛發則喘滿吐逆寒熱背痛腰疼目泣自出劇則振振身瞶謂之伏飲伏飲卽留飲之伏而不動者千金合而言之則爲五飲而四飲之中支飲爲最劇其留伏之飲則心脇四肢中外皆病兼有四者之患所以千金首列留飲夫病人飲水多必暴喘滿食少飲多水停心下微者短氣甚者則悸悸則水在腎也若心下堅築短氣惡水不欲飲水在心也吐涎沫欲飲水水在肺也少氣身重水在脾也脇下支滿噎而痛水在肝也此槩言五飲致病五臟見證之大端金匱分隸而治千金兼該而行大旨水飲爲陰類緣其人內乏真陽雖有濕熱但蘊爲粘靱不能稠厚所以五飲丸中必需辛溫益氣以鼓諸藥之力如人參白朮附子桂心助陽藥也藜蘆恆山涌吐藥也大戟芫花甘遂葶藶破水藥也大黃芒硝攻下藥也半夏巴豆滌痰藥也巴豆不獨滌痰兼能涌吐所以白散用之吐中便具發散之義使軀殼之水從皮膚而泄也其用甘草人參芍藥專取相反之味以激大戟芫花甘遂藜蘆攻伐之力因方中攻伐之劑過多恐其津隨飲脫是以菝葜薯蕷五味茯苓之屬又爲必需其餘諸藥或相



扶正或佐去邪總不出五種諸法以爲五飲通治也

旋復花丸 治停痰癖飲結在兩脇腹脹滿羸瘦不能食食不消化喜唾乾嘔大小便或瀉或利腹中搖動作

水聲腹內熱口乾好飲水漿卒起頭眩欲倒脇下痛方 旋復花 桂心 枳實 人參各五分 甘遂三分 吳

茱萸 細辛 大黃 黃芩 葶藶 厚朴 芫花 橘皮各四分 乾薑 芍藥 白朮各六分 茯苓 狼毒

烏頭 礬石各八分 右二十味爲末蜜丸如梧子大酒服五丸日二後加以知爲度延年方無白朮狼毒烏頭礬石細辛黃芩厚朴

吳茱萸芫花橘皮甘遂有皂莢附子各二分蜀椒杏仁防葵各三分地黃四分

〔衍義〕痰癖結聚腹脇喜唾乾嘔眩暈欲倒故用旋復花開結下氣行水消痰開發肺與大腸水氣之味爲

主其間參朮桂心芫花甘遂葶藶大黃等與五飲丸相同者十餘味更加烏頭乾薑狼毒礬石其破積散滯

之力不減五飲丸中大戟巴豆之烈也

中軍候黑丸 治澀飲停結滿悶目暗方 芫花三兩 巴豆八分 杏仁五分 桂心 桔梗各四分 右五味爲末

蜜丸如胡豆每服三丸稍增得快下上

〔衍義〕黑丸之名專取杏仁熬黑以滌胸中宿垢與巴豆破積不殊并取芫花利水桂心散血桔梗上通肺

氣下走大腸所以水腫先從頭面至足頭眩身熱亦取用之本經治腹滿腸鳴幽幽豈非下走大腸之一驗

乎

順流紫丸 治心腹積聚兩脇脹滿留飲痰癖大小便不利小腹切痛膈上塞方 石膏五分桂心四分巴豆

七枚代赭 烏賊骨 半夏各三分 右六味為末蜜丸如胡豆平旦服一丸加至二丸胡洽有藜蘆菴蓉當歸各三分范汪方無

石膏半夏有當歸一分茯苓二分茯苓三分藜蘆五分

〔衍義〕紫丸專取代赭煨赤以鎮心下痰癖配以石膏之寒而化心下結熱并取半夏滌除痰飲烏賊清理

乾血桂心分解痰血巴豆上涌冷涎下破寒積服此則痰水順流而下故以名方

治停痰癖飲結在兩脇脹滿羸瘦不能飲食食不消喜唾乾嘔大小便或澀或利方 旋復花 大黃 附子

茯苓 椒目 桂心 芫花 狼毒 乾薑 芍藥 枳實 細辛各八分 右十二味為末蜜丸如梧子大

飲下三丸日三服後漸增

〔衍義〕金匱大黃附子湯治脇下偏痛發熱以虛寒從下而上故用大黃附子溫藥下之細辛治陰邪上逆

之發熱此治停痰癖飲故加狼毒芫花枳實以佐大黃之蕩癖乾薑桂心茯苓以佐附子之破結旋復椒目

芍藥以佐細辛散熱也

治風氣膈上痰飲方 用不開口苦瓠一枚湯煮三五沸以物裹熨心膈上

〔衍義〕苦瓠大苦大寒大傷胃氣用以湯煮熨膈者取其引領濁惡之氣從皮毛泄也

治結積留飲癖囊胸滿飲食不消方 灸通谷五十壯

九蟲第七論三首 方四十五首

論曰人腹中有尸蟲此物與人俱生而為人大害尸蟲之形狀似大馬尾或如薄筋依脾而居有頭尾長三寸又有九蟲一曰伏蟲長四分二曰虺蟲長一尺三曰白蟲長一寸四曰肉蟲狀如爛杏五曰肺蟲狀如蠶六曰胃蟲狀如蝦蓋七曰弱蟲狀如瓜瓣八曰赤蟲狀如生肉九曰蟻蟲至細微形如茶蟲狀伏蟲則羣蟲之主也虺蟲貫心則殺人白蟲相生子孫轉多其母轉大至長四五寸亦能殺人肉蟲令人煩滿肺蟲令人欬嗽胃蟲令人嘔吐胃逆喜噦弱蟲又名膈蟲令人多唾赤蟲令人腸鳴蟻蟲居胸腸之間多則為痔劇則為癩因人瘡瘻則生諸癰疽癬癩疔齧蟲無所不為人亦不必盡有有亦不必盡多或偏有或偏無此類婦人常多其蟲凶惡人之極患也常以白筴草沐浴佳根葉皆可用既是香草且是尸蟲所畏也 論曰凡欲服補藥及治諸病須去諸蟲并痰飲宿癖醒除盡方可服補藥不爾必不得藥力

治肝勞生長蟲在肝為病恐畏腹中不安方 蠟 吳茱萸東行根皮 各三兩 乾漆 四兩 雞子 五枚 去黃 粳米粉 半斤

右五味搗吳茱萸皮為末和藥銅器中煎可丸如小豆大宿勿食平旦飲服一百丸小兒服五十丸蟲當爛

出 集驗方無吳茱萸根名雞子丸

〔衍義〕諸蟲皆從濕熱生化濕熱之治莫善於風藥然蟲蠱之濕皆屬內因內因之濕仍須治內風之藥方

可直達病情如肝勞生長蟲 用蜂蠟至淡之味以散濕熱之病吳茱萸根走肝取東南走巽位者以通風

氣而治內風乾漆殺蟲然非穀肉之味投其所喜不能引入其口使之爛出也

治心勞熱傷心有長蟲名曰蠱長一尺貫心為病方 雷丸 橘皮 桃仁一作石蠶各五分 狼牙六分 貫衆二

枚 殭蠶三七枚 燕莢 青箱 乾漆各四分 亂髮如雞子大燒 吳茱萸根皮七分 右十二味為家蜜丸如梧子大空

腹苦酒下七丸加至二七丸日二服 一方無石蠶

〔衍義〕治蟲諸藥如狼牙貫衆燕莢青箱乾漆吳茱萸根皆能殺蟲獨雷丸專治心勞生蟲者昔有道士治

楊勳應聲蟲得此而愈以心為虛靈之藏言者心之聲故其所生之蟲亦靈慧而能應聲也

治脾勞熱有白蟲在脾中為病令人好嘔下蟲方 大麻子八升 東引吳茱萸根一尺 橘皮二兩 右三味咬

咀以水煎臨時量服凡合禁聲勿語道作藥蟲當聞便不下切忌之

〔衍義〕莢根橘皮殺蟲得大麻子引入脾經誘入其口而殺之

治肺勞熱生蟲在肺為病方 狼牙三兩 吳茱萸根白皮五合 東行桑根白皮切一升 右三味咬咀以酒七升

煮取一升平旦頓服之

〔衍義〕狼牙莢根得桑根白皮引入肺經以殺其蟲為寸白專藥

治腎勞熱四肢腫急螻蟲狀如茶蟲在腎中為病方 燕莢 胡粉 槐皮各一枚 乾漆二兩 貫衆三枚 杏仁十四

枚 吳莢五十枚 右七味治下篩平旦以井花水服方寸七加至一七半瘥止

〔衍義〕燕萸乾漆貫衆吳萸雖皆殺蟲之品胡粉引入於腎始能中的從甘草粉蜜湯中探出

治蟻蟲方 以好鹽末二兩苦酒半升合銅器中煮數沸宿不食空心頓服之 又方 珍珠二兩亂髮如雞子大

燒末 右二味治下篩以苦酒調旦起頓服之肘後方用治三蟲

〔衍義〕鹽醋皆日用之品惟是專用二物之鹹酸便有化蠶之功效 蟲乃血之所化故用髮灰以散滯血

珍珠以散濕熱貴賤所稟不同主治不能無異

靡蕪丸 治少小有虬蟲結在腹中數發腹痛微下白汁吐悶寒熱飲食不生肌皮肉痿黃四肢不相勝舉方

靡蕪 貫衆 雷丸 山茱萸 天冬 狼牙各八分 藿蘆 甘菊各四分 右八味為末蜜丸如大豆三歲飲

服五丸五歲已上以意加之漸至十丸加藿蘆六分名藿蘆丸治老小及婦人等萬病腹內冷熱不通急滿

痛胸膈堅滿手足煩熱上氣不得飲食身體氣腫腰脚不遂腹內狀如水雞鳴女人月經不調無所不治

〔衍義〕本經言靡蕪辟邪惡除蟲毒取其辛散也貫衆雷丸狼牙藿蘆皆殺蟲之味山茱萸既能治心下邪

氣亦能斂肝腎精血天冬能殺三蟲去伏尸又能強骨髓甘菊能治惡風濕痺蟲乃風濕所化雖無殺蟲之

功能散濕熱即蟲失所養必隨諸殺蟲藥而下出矣

治虬蟲方 藿蘆末以飲臛和服方寸匕不覺加之備急方治蟻蟲

治熱患有虬蟲懊懣方 藿蘆十分乾漆 蒿竹各二分 右三味治下篩米飲和一合服之日三

治虬蟲在胃中漸漸羸人方 乾棗外臺 醇酒 白蜜各一升 右三味內銅器中微火煎令可丸如桃核一枚

溫酒中宿勿食巨服之蟲必下未下更服外臺 燒蟲 又方 取棗實內醇苦酒中浸再宿用綿裹內穀道中

入三寸一日易之集驗方用 治長蟲

治蟻蟲攻心腹痛方 劉薏苡根二斤以水七升煮取三升先食服之蟲即死出○又方 鶴蝮為末苦酒空

腹服方寸七佳○又方 七月七日採蒺藜子陰乾燒灰先食服方寸七日三即瘥

〔衍義〕 藿蘆殺蟲借腫引入蟲口 藿蘆走氣分更益以乾漆破血蒿竹殺蟲化濕熱 乾漆殺蟲酒蜜投

蟲所好 苦棟殺蟲浸酒入綿以內穀道專主肛門之蠶 薏苡根逐濕下行能治濕熱生蟲之善藥 鶴

蝮苦寒殺蟲得苦酒之酸收使不逆上然須用天名精子為真否即是偽 刺蒺藜治惡血破癥瘕積聚專

祛風木之邪能治內濕生蟲之專味

治寸白蟲方 吳茱萸細根一握 熟搗 大麻子三升 熬 搗末 右二味以水三升和搗取汁平旦頓服至巳時與好食令

飽須與蟲出不瘥明旦更合服之不瘥三日服肘后治三蟲以酒漬取汁服 ○又方 摩蕪六分 狼牙四分 白蘂二分

右三味治下篩以苦酒二合和一宿次早空腹服之○又方 胡麻一升 胡粉一兩 右二味為末平旦空

腹以猪肉臙汁噉盡即瘥○又方 以樗子四十九枚去皮月上旬平旦空腹服七枚七日服盡蟲消成水

永瘥○又方 以吳茱萸北陰根乾去土切一升以酒一升浸一宿平旦分二服凡茱萸皆用細根東引北

陰者夏若如指以上大不任用○又方 用石榴根如茱萸法亦可水煮服○又方 麻仁五升搗取汁分五服亦治小兒蚘蟲○又方 以好麻油二升煎令熟內葱白三寸令黑便熟冷頓服之○又方 熬錫令十分燥作末以方寸七內羊肉臚中服之○又方 桑根白皮切三升以水七升煮取二升宿勿食平旦空腹頓服之○又方 檳榔二七枚治下齏以水二升半先煮其皮取一升半去滓內末頓服暖臥蟲出或不盡更合服取瘥止宿勿食旦服之

〔衍義〕萸根走肝麻仁入脾肺故治寸白有效 麝蕪狼芽治蟲猛藥白斂散結止痛能解風氣百疾 胡

麻胡粉皆入於腎噫曲生蟲之專藥 梔子殺肺中寸白 萸根細者行於經絡以治腠理之蟲 石榴根善透石罅故能治竅隧之蟲 大麻花治惡風毒血故其仁亦能治風殺蟲 麻油解毒葱白散風蟲亦風毒所化縱非治蟲之藥實爲治蟲之用專取其潤而導之使下也 錫糖濕熱之味雖熬本性猶存羊臚之臚投蟲所喜而爲麤濕同氣之治 桑根一味大泄肺氣故能下蟲非湯藥中配入他藥之比然必生者乃效 檳榔泄胸中至高之氣破腹中委積之蟲總取獨用以擅專功

論曰凡得傷寒及天行熱病腹中有熱又人食少腸胃空虛三蟲行作求食蝕人五臟及下部若齒齕無色舌上盡白甚者脣裏有瘡四肢沉重忽喜眠當數看其上脣內有瘡唾血脣內如粟瘡者心內懊懣痛悶此蟲在上蝕其五臟下脣內生瘡者其人喜眠此蟲在下蝕其下部人不能知可服此蝕蟲藥不爾蠶蟲殺人又曰

凡患濕醫者多是熱病後或久下不止或有客熱結在腹中或易水土溫涼氣著多生此病亦有乾醫不甚瀉利而下部瘡癢不問乾濕久則殺人凡濕得冷而苦利單煮黃連及艾葉苦參之屬皆可用之若病人齒斷無色舌上白者或喜眠煩憤不知痛癢處或下痢急治下部不曉此者但攻其上不下部爲意下部生蟲蟲蝕其肛肛爛見五臟便死燒艾於竹筒熏之

治傷寒蠱病方 取生雞子小頭叩出白入漆灰一合攪令極調當沫出更內著殼中仰吞之食頃或半日乃吐下蟲劇者再服蟲盡熱除病愈

〔衍義〕傷寒蠱病多由熱傷榮血血結蟲聚令人狐疑昏惑勢劇難堪者卽以漆灰破血爲主調雞子生吞引入肝經血分

治濕醫方 黃連十分生薑十分苦參四分艾葉八分 右四味咬咀以水一斗煮取三升分三服久者服三

劑

〔衍義〕醫乃濕熱蘊化故以黃連苦參苦燥之味療其濕熱兼取艾之純陽薑之辛散爲同氣之內應毋問何醫無不宜之

懊懣散 治濕蠱瘡爛殺除蠱方 篇竹半兩藿蘆 雷丸 青葙子 女青 桃仁各三兩 右六味治下篩

粥飲服方寸匕日三加至一匕亦可酒服



〔衍義〕懊懣亦是蟲匿為患故用菹竹藿蘆殺氣分蟲雷丸青葙子女青桃仁破血蠱也

青葙散 治熱病有蠱下部生瘡方 青葙子一兩 橘皮 菹竹各二兩 藿蘆四兩 甘草一分 狼牙三分 右六

味治下 篩米飲和每服一合日三不知稍加之小品無甘草

〔衍義〕青葙菹竹藿蘆狼牙治蠱藥橘皮甘草調和中氣以行藥力

薑蜜湯 治濕蠱方 生薑汁五合 白蜜三合 黃連二兩 右三味以水二升別煮黃連取一升去滓內薑蜜

更煎取一升一合五歲兒平旦空腹服四合日一

〔衍義〕方中一寒一熱分解濕熱借蜜引入蟲口濕熱之蠱無容身之地矣

治蠱蟲下部癢敷道中生瘡方 阿膠 當歸 青葙子各二兩 艾葉一把 右四味啖咀以水八升煮取二升

半去滓分三服

〔衍義〕青葙治蟲艾葉導熱阿膠當歸以和其血

杏仁湯 治蠱方 杏仁五十枚 苦酒二升 鹽一合 右三味和者取五合頓服之小兒以意量之

〔衍義〕杏仁上散肺氣下走大腸借酸鹹以收上逆之氣

桃皮湯 治蟬蟲蛔蟲及痔瘻蟲食下部生瘡方 桃皮 艾葉各一兩 槐子三兩 大棗三十枚 右四味啖咀以

水三升煮取半升頓服之良

〔衍義〕桃根白皮散血殺蟲艾葉温血導火槐子益腎清火大棗入脾以通津液

猪膽苦酒湯 治熱病有膿上下攻移殺人方 猪膽一具苦酒半升和之火煎令沸三上三下藥成放温空

腹飲三滿口蟲死便愈

〔衍義〕膿本肝家濕熱所化猪膽專治肝膽之熱以苦酒和之乃猪膽導之變法

治濕病下部有瘡蟲蝕人五臟方 雄黃 皂莢各一分 麝香 硃砂各二分 右四味為末蜜和搗萬杵初得病

酒服如梧子大一丸日二若下部有瘡取梧子大末內下部日二

〔衍義〕雄黃解毒殺蟲皂莢滌飲開痹麝香和榮利竅硃砂辟邪以安神氣

雄黃兌散 治時氣病蠱下部生瘡方 雄黃二兩桃仁半兩青稍子 黃連 苦參各三兩 右五味為末綿

裹如棗核大內下部亦可棗汁服方寸七日三

治下部蠱瘡方 青黛 黃連 黃柏 丁香各一分 麝香 一分 右五味治下篩以小棗大內下部中日一度

重者棗大和猪脂二三合灌下部中日二度

治下部生瘡方 濃煮桃皮煎如錫取內下部若口中有瘡含之

治濕蠱方 取生薑刮去皮斷理切之極熟研取汁一升半又以水一升半合和相得平旦空腹服之仍削生

薑二枚如繭大以楸葉桃葉數重裹訖於爐灰中燒令極熟內下部中食頃若濕盛者三日作頻服無有不

瘥

治蟲蝕下部方 胡粉 雄黃 右二味等分為末著熨道中亦治小兒

治病蠱蟲方 燒馬蹄灰作末以豬脂和傅綿繩上內下部中日五度

治大孔蟲癢方 蒸大棗取膏以水捻和長三寸綿裹訖宿內大孔中明旦蟲皆出水銀損腸宜慎之

治傷寒熱病多睡變成濕醫四肢煩疼不得食方 羊桃十斤切搗令熟暖湯三斗淹浸之日正午時入中坐

一炊久不過二度瘥

治熱病蝕毒令人喜寐不知痛處面赤如醉下利膿血當數視其人下部孔稷稷然一云搜搜然赤即瘥也劇困

殺人見人肝肺服藥不瘥可熏之方 以泥作小嬰令受一升竹筒一枚如指大一頭橫穿入嬰腹中一

頭內入谷道中淺入可取熟艾如雞子大著嬰中燃之於嬰口吹煙令入人腹艾盡乃止大人可益艾小兒

減之羸者勿多多亦害人日再熏不過三作蟲則死永斷亦可末燒雄黃如此熏之

〔衍義〕下部蠱瘡雄黃兌散最捷方中雄黃殺蟲桃仁逐血黃連苦參專解濕熱 連柏青黛散濕熱麝香

達竅隧丁香開導熱邪之去路 桃葉殺蟲下傳上含俱無妨礙 削生薑導以楸葉裹內下部如無楸葉

桃葉亦可代用不必二葉並裹也 胡粉入腎雄黃入心為殺陰毒蠱瘡之專藥 馬蹄散血辟惡殺蟲亦

可應用 水銀為殺蟲猛藥雖和棗膏見熱本質猶動大能損腸故云宜慎 羊桃壓丹石毒亦能化蟲醫

艾熏以辟下部陰塵加雄黃尤效

孫真人備急千金要方衍義卷十八終